

經

大般若波羅蜜經

三百三十一之  
三百三十五

騰

C40

4514

11

C 40-4514

了翁上座請大猷及有  
家書置之武州無靈山  
我微笑培院庭海中永  
為學者不敢許出院內  
當山二世鐵牛機謹誌



B 64853

大般若波羅蜜多經卷第三百三十一

唐三藏法師玄奘奉詔譯

初分願行品第五十一之二

復次善現有菩薩摩訶薩具修六種波羅蜜多見諸  
有情繫屬主宰諸有所作不得自在善現是菩薩摩  
訶薩見此事已作是思惟我當云何方便捷濟諸有  
情類令得自在既思惟已作是願言我當精勤不顧  
身命修行六種波羅蜜多成熟有情嚴淨佛土令速  
圓滿疾證無上正等菩提我佛土中諸有情類得無  
主宰諸有所作皆得自在乃至不見主宰形像亦復



不聞主宰名字唯有如來應正等覺以法統攝各爲  
法王善現是菩薩摩訶薩由此六種波羅蜜多速得  
圓滿隣近無上正等菩提復次善現有菩薩摩訶薩  
具修六種波羅蜜多見諸有情諸趣差別善現是菩  
薩摩訶薩見此事已作是思惟我當云何方便捷濟  
諸有情類令無善惡諸趣差別既思惟已作是願言  
我當精勤不顧身命修行六種波羅蜜多成熟有情  
嚴淨佛土令速圓滿疾證無上正等菩提我佛土中  
得無善惡諸趣差別乃至無有地獄傍生鬼界阿素  
洛人天名字一切有情皆同一類等修一業謂皆和

合修行布施波羅蜜多修行淨戒安忍精進靜慮般  
若波羅蜜多安住內空安住外空內外空空大空  
勝義空有爲空無爲空畢竟空無際空散空無變異  
空本性空自相空共相空一切法空不可得空無性  
空自性空無性自性空安住真如安住法界法性不  
虛妄性不變異性平等性離生性法定法住實際虛  
空界不思議界修行四念住修行四正斷四神足五  
根五力七等覺支八聖道支安住苦聖諦安住集滅  
道聖諦修行四靜慮修行四無量四無色定修行八  
解脫修行八勝處九次第定十徧處修行空解脫門

修行無相無願解脫門修行五眼修行六神通修行三摩地門修行陀羅尼門修行佛十力修行四無所畏四無礙解大慈大悲大喜大捨十八不共法修行無忘失法修行恒住捨性修行一切智修行道相智一切相智修行菩薩摩訶薩行修行無上正等菩提善現是菩薩摩訶薩由此六種波羅蜜多速得圓滿隣近無上正等菩提復次善現有菩薩摩訶薩具修六種波羅蜜多見諸有情四生差別一者卵生二者胎生三者濕生四者化生善現是菩薩摩訶薩見此事已作是思惟我當云何方便拔濟諸有情類令

無如是四生差別既思惟已作是願言我當精勤不顧身命修行六種波羅蜜多成熟有情嚴淨佛土令速圓滿疾證無上正等菩提我佛土中諸有情類得無如是四生差別諸有情類皆同化生善現是菩薩摩訶薩由此六種波羅蜜多速得圓滿隣近無上正等菩提復次善現有菩薩摩訶薩具修六種波羅蜜多見諸有情無五神通於所作事不得自在善現是菩薩摩訶薩見此事已作是思惟我當云何方便拔濟諸有情類皆令獲得五神通慧既思惟已作是願言我當精勤不顧身命修行六種波羅蜜多成熟有

情嚴淨佛土令速圓滿疾證無上正等菩提我佛土  
中諸有情類五神通慧皆得自在善現是菩薩摩訶  
薩由此六種波羅蜜多速得圓滿隣近無上正等菩  
提復次善現有菩薩摩訶薩具修六種波羅蜜多見  
諸有情受用段食身有種種大小便利膿血臭穢深  
可厭捨善現是菩薩摩訶薩見此事已作是思惟我  
當云何拔濟如是受用段食諸有情類令其身中無  
諸便穢既思惟已作是願言我當精勤不顧身命修  
行六種波羅蜜多成熟有情嚴淨佛土令速圓滿疾  
證無上正等菩提我佛土中諸有情類皆同受用妙

法喜食其身香潔無諸便穢善現是菩薩摩訶薩由  
此六種波羅蜜多速得圓滿隣近無上正等菩提復  
次善現有菩薩摩訶薩具修六種波羅蜜多見諸有  
情身無光明諸有所作須求外照善現是菩薩摩訶  
薩見此事已作是思惟我當云何方便拔濟諸有情  
類令離如是無光明身既思惟已作是願言我當精  
勤不顧身命修行六種波羅蜜多成熟有情嚴淨佛  
土令速圓滿疾得無上正等菩提我佛土中諸有情  
類身具光明不假外照善現是菩薩摩訶薩由此六  
種波羅蜜多速得圓滿隣近無上正等菩提復次善

現有菩薩摩訶薩具修六種波羅蜜多見諸有情所居之土有晝有夜有月半月時節歲數轉變非恒善現是菩薩摩訶薩見此事已作是思惟我當云何方便拔濟諸有情類令所居土無晝夜等諸變易事既思惟已作是願言我當精勤不顧身命修行六種波羅蜜多成熟有情嚴淨佛土令速圓滿疾證無上正等菩提我佛土中得無晝夜及月半月時節歲數乃至無有晝夜等名善現是菩薩摩訶薩由此六種波羅蜜多速得圓滿隣近無上正等菩提復次善現有菩薩摩訶薩具修六種波羅蜜多見諸有情壽量短

促善現是菩薩摩訶薩見此事已作是思惟我當云何方便拔濟諸有情類令離如是壽量短促既思惟已作是願言我當精勤不顧身命修行六種波羅蜜多成熟有情嚴淨佛土令速圓滿疾證無上正等菩提我佛土中諸有情類壽量長遠劫數難知善現是菩薩摩訶薩由此六種波羅蜜多速得圓滿隣近無上正等菩提復次善現有菩薩摩訶薩具修六種波羅蜜多見諸有情無衆相好善現是菩薩摩訶薩見此事已作是思惟我當云何方便拔濟諸有情類令得相好既思惟已作是願言我當精勤不顧身命修

行六種波羅蜜多成熟有情嚴淨佛土令速圓滿疾  
證無上正等菩提我佛土中諸有情類具三十二大  
士夫相八十隨好圓滿莊嚴有情見之生淨妙喜善  
現是菩薩摩訶薩由此六種波羅蜜多速得圓滿隣  
近無上正等菩提復次善現有菩薩摩訶薩具修六  
種波羅蜜多見有情類離諸善根善現是菩薩摩訶  
薩見此事已作是思惟我當云何拔濟如是諸有情  
類令具善根既思惟已作是願言我當精勤不顧身  
命修行六種波羅蜜多成熟有情嚴淨佛土令速圓  
滿疾證無上正等菩提我佛土中諸有情類一切成

就勝妙善根由此善根能辦種種上妙供具供養諸  
佛乘斯福力隨所生處復能供養諸佛世尊善現是  
菩薩摩訶薩由此六種波羅蜜多速得圓滿隣近無  
上正等菩提復次善現有菩薩摩訶薩具修六種波  
羅蜜多見諸有情具身心病身病有四一者風病二  
者熱病三者痰病四者風等種種雜病心病亦四一  
者貪病二者瞋病三者癡病四者慢等諸煩惱病善  
現是菩薩摩訶薩見此事已作是思惟我當云何拔  
濟如是身心病苦諸有情類既思惟已作是願言我  
當精勤不顧身命修行六種波羅蜜多成熟有情嚴

淨佛土令速圓滿疾證無上正等菩提我佛土中諸  
有情類身心清淨無諸病苦乃至不聞風病熱病痰  
病風等雜病之名亦復不聞貪病瞋病癡病慢等煩  
惱病名善現是菩薩摩訶薩由此六種波羅蜜多速  
得圓滿隣近無上正等菩提復次善現有菩薩摩訶  
薩具修六種波羅蜜多見諸有情種種意樂或有樂  
趣聲聞乘者或有樂趣獨覺乘者或有樂趣無上乘  
者善現是菩薩摩訶薩見此事已作是思惟我當云  
何方便捷濟諸有情類令其棄捨樂趣聲聞獨覺乘  
意唯令樂趣無上大乘既思惟已作是願言我當精

勤不顧身命修行六種波羅蜜多成熟有情嚴淨佛  
土令速圓滿疾證無上正等菩提我佛土中諸有情  
類唯求無上正等菩提不樂聲聞獨覺乘果乃至無  
有二乘之名唯聞大乘種種功德善現是菩薩摩訶  
薩由此六種波羅蜜多速得圓滿隣近無上正等菩  
提復次善現有菩薩摩訶薩具修六種波羅蜜多見  
諸有情起增上慢未能真實斷生命謂我真實離  
斷生命未能真實離不與取離欲邪行謂我真實離  
不與取離欲邪行未能真實離虛誑語謂我真實離  
虛誑語未能真實離麤惡語離離間語離雜穢語謂

我眞實離麤惡語離離間語離雜穢語未能眞實離  
於貪欲謂我眞實離於貪欲未能眞實離於瞋恚及  
離邪見謂我眞實離於瞋恚及離邪見未得初靜慮  
謂得初靜慮未得第二第三第四靜慮謂得第二第  
三第四靜慮未得空無邊處定謂得空無邊處定未  
得識無邊處無所有處非想非非想處定謂得識無  
邊處無所有處非想非非想處定未得慈無量謂得  
慈無量未得悲喜捨無量謂得悲喜捨無量未得神  
境智證通謂得神境智證通未得天眼天耳他心宿  
住隨念智證通謂得天眼天耳他心宿住隨念智證

通未得不淨觀謂得不淨觀未得慈悲念息緣起界  
差別觀謂得慈悲念息緣起界差別觀未得止觀地  
謂得止觀地未得種性地第八地見地薄地離欲地  
已辦地謂得種性地第八地見地薄地離欲地已辦  
地未得獨覺菩提謂得獨覺菩提未得布施波羅蜜  
多謂得布施波羅蜜多未得淨戒安忍精進靜慮般  
若波羅蜜多謂得淨戒安忍精進靜慮般若波羅蜜  
多未證內空謂證內空未證外空內外空空大空  
勝義空有爲空無爲空畢竟空無際空散空無變異  
空本性空自相空共相空一切法空不可得空無性

空自性空無性自性空謂證外空乃至無性自性空  
未證真如謂證真如未證法界法性不虛妄性不變  
異性平等性離生性法定法住實際虛空界不思議  
界謂證法界乃至不思議界未證苦聖諦謂證苦聖  
諦未證集滅道聖諦謂證集滅道聖諦未得四念住  
謂得四念住未得四正斷四神足五根五力七等覺  
支八聖道支謂得四正斷乃至八聖道支未得四靜  
慮謂得四靜慮未得四無量四無色定謂得四無量  
四無色定未得八解脫謂得八解脫未得八勝處九  
次第定十遍處謂得八勝處九次第定十遍處未得

空解脫門謂得空解脫門未得無相無願解脫門謂  
得無相無願解脫門未得極喜地謂得極喜地未得  
離垢地發光地焰慧地極難勝地現前地遠行地不  
動地善慧地法雲地謂得離垢地乃至法雲地未得  
五眼謂得五眼未得六神通謂得六神通未得三摩  
地門謂得三摩地門未得陀羅尼門謂得陀羅尼門  
未得佛十力謂得佛十力未得四無所畏四無礙解  
大慈大悲大喜大捨十八佛不共法謂得四無所畏  
乃至十八佛不共法未得無忘失法謂得無忘失法  
未得恒住捨性謂得恒住捨性未得一切智謂得一

切智未得道相智一切相智謂得道相智一切相智未嚴淨佛土謂嚴淨佛土未成熟有情謂成熟有情未解世間工巧技藝謂解世間工巧技藝未修菩薩摩訶薩行謂修菩薩摩訶薩行未得無上正等菩提謂得無上正等菩提善現是菩薩摩訶薩見此事已作是思惟我當云何拔濟如是諸有情類令其遠離增上慢結既思惟已作是願言我當精勤不顧身命修行六種波羅蜜多成熟有情嚴淨佛土令速圓滿疾證無上正等菩提我佛土中得無如是增上慢者一切有情離增上慢善現是菩薩摩訶薩由此六種

波羅蜜多速得圓滿隣近無上正等菩提復次善現有菩薩摩訶薩具修六種波羅蜜多見諸有情執著諸法謂執著色執著受想行識執著眼處執著耳鼻舌身意處執著色處執著聲香味觸法處執著眼界執著耳鼻舌身意界執著色界執著聲香味觸法界執著眼識界執著耳鼻舌身意識界執著眼觸執著耳鼻舌身意觸執著眼觸爲緣所生諸受執著耳鼻舌身意識界爲緣所生諸受執著地界執著水火風空識界執著因緣性執著等無間緣所緣緣增上緣性執著無明執著行識名色六處觸受愛取有生老死



思惟我當云何拔濟如是諸有情類令離執著既思惟已作是願言我當精勤不顧身命修行六種波羅蜜多成熟有情嚴淨佛土令速圓滿疾證無上正等菩提我佛土中諸有情類無如是等種種執著善現是菩薩摩訶薩由此六種波羅蜜多速得圓滿隣近無上正等菩提復次善現有菩薩摩訶薩具修六種波羅蜜多見有如來應正等覺光明有量壽命有量諸弟子衆數有分限善現是菩薩摩訶薩見此事已作是思惟我云何得光明無量壽命無量諸弟子衆數無分限既思惟已作是願言我當精勤不顧身命

修行六種波羅蜜多成熟有情嚴淨佛土令速圓滿疾證無上正等菩提爾時我身光明無量壽命無量諸弟子衆數無分限善現是菩薩摩訶薩由此六種波羅蜜多速得圓滿隣近無上正等菩提復次善現有菩薩摩訶薩具修六種波羅蜜多見有如來應正等覺所居佛土周圓有量善現是菩薩摩訶薩見此事已作是思惟我云何得所居佛土周圓無量既思惟已作是願言我當精勤不顧身命修行六種波羅蜜多成熟有情嚴淨佛土令速圓滿疾證無上正等菩提十方各如苑伽沙數大千世界合爲一土我住

其中說法教化無量無數無邊有情善現是菩薩摩訶薩由此六種波羅蜜多速得圓滿隣近無上正等菩提復次善現有菩薩摩訶薩具修六種波羅蜜多見諸有情生死長遠諸有情界其數無邊善現是菩薩摩訶薩見此事已作是思惟生死邊際猶如虛空諸有情界亦復如是雖無真實諸有情類流轉生死或得涅槃而諸有情妄執爲有輪迴生死受苦無邊我當云何方便捷濟旣思惟已作是願言我當精勤不顧身命修行六種波羅蜜多成熟有情嚴淨佛土令速圓滿疾證無上正等菩提爲諸有情說無上法皆令解脫生死大苦亦令證知生死解脫都無所有皆畢竟空善現是菩薩摩訶薩由此六種波羅蜜多速得圓滿隣近無上正等菩提

初分疏伽天品第五十二

爾時會中有一天女名疏伽天從座而起偏覆左肩右膝著地合掌向佛白言世尊我當修行布施淨戒安忍精進靜慮般若波羅蜜多成熟有情嚴淨佛土所求佛土如今如來應正等覺爲諸大衆於此般若波羅蜜多甚深經中所說土相一切具足時疏伽天作是語已卽取種種金花銀花水陸生花諸莊嚴具

及持金色天衣一雙恭敬至誠而散佛上佛神力故  
上涌虚空宛轉右旋於佛頂上變成四柱四角寶臺  
綺飾莊嚴甚可愛樂於是天女持此寶臺與諸有情  
平等共有迴向無上正等菩提爾時如來知彼天女  
志願深廣即便微笑諸佛法爾於微笑時有種種光  
從口而出今佛亦爾於其面門放種種光青黃赤白  
紅碧紫綠遍照十方無量無邊無數世界還來此土  
現大神變遶佛三匝入佛頂中爾時阿難覩斯事已  
從座而起右膝著地合掌向佛白言世尊何因何緣  
現此微笑諸佛微笑非無因緣佛告阿難今此天女  
於未來世當得作佛劫名星喻佛號金花如來應正  
等覺明行圓滿善逝世間解無上丈夫調御士天人  
師佛薄伽梵阿難當知今此天女卽是最後所受女  
身捨此身已便受男身盡未來際不復作女從此沒  
已生於東方不動如來應正等覺甚可愛樂佛世界  
中於彼佛所勤修梵行此女彼界亦號金花修諸菩  
薩摩訶薩行阿難此金花菩薩摩訶薩於彼沒已復  
生他方從一佛土至一佛土於生生處常不離佛如  
轉輪王從一臺觀至一臺觀歡娛受樂乃至命終足  
不履地金花菩薩亦復如是從一佛國往一佛國乃

至無上正等菩提於生生中常不離佛聽受正法修  
菩薩行爾時阿難竊作是念金花菩薩當作佛時亦  
應宣說甚深般若波羅蜜多彼會菩薩摩訶薩衆其  
數多少應如今佛菩薩衆會佛知其念告阿難言如  
是如是如汝所念金花菩薩當作佛時亦爲衆會宣  
說如是甚深般若波羅蜜多彼會菩薩摩訶薩衆其  
數多少亦如今佛菩薩衆會阿難當知是金花菩薩  
摩訶薩當作佛時彼佛世界出家弟子其量甚多不  
可稱數謂不可數若百若干若干若俱胝若百俱  
胝若干俱胝若百千俱胝若那庾多若百那庾多若  
千那庾多若百千那庾多大苾芻衆但可總說無數  
無量無邊百千俱胝那庾多大苾芻衆阿難當知是  
金花菩薩摩訶薩當作佛時其土無有如此般若波  
羅蜜多經中所說衆多過患爾時具壽阿難復白佛  
言世尊今此天女先於何佛已發無上正等覺心種  
諸善根迴向發願今得遇佛恭敬供養而得受於不  
退轉記佛告阿難今此天女於然燈佛已發無上正  
等覺心種諸善根迴向發願故今遇我恭敬供養而  
得受於不退轉記阿難當知我於過去然燈佛所以  
五莖花奉散彼佛迴向發願然燈如來應正等覺知

我根熟而授我記天女爾時聞佛授我大菩提記歡喜踊躍卽以金花奉散佛上便發無上正等覺心種諸善根迴向發願使我來世於此菩薩當作佛時亦如今佛現前授我大菩提記故我今者與彼授記具壽阿難聞佛所說歡喜踊躍復白佛言今此天女久爲無上正等菩提植種德本今得成熟佛爲授記佛告阿難如是如是今此天女久爲無上正等菩提植種德本今既成熟我爲授記

初分善學品第五十三之一

爾時具壽善現白佛言世尊行深般若波羅蜜多諸菩薩摩訶薩云何習近空三摩地云何入空三摩地云何習近無相三摩地云何入無相三摩地云何習近無願三摩地云何入無願三摩地云何習近四念住云何修四念住云何習近四正斷四神足五根五力七等覺支八聖道支云何修四正斷乃至八聖道支云何習近佛十力云何修佛十力云何習近四無所畏四無礙解大慈大悲大喜大捨十八佛不共法云何修四無所畏乃至十八佛不共法佛言善現行深般若波羅蜜多諸菩薩摩訶薩應觀色空應觀受想行識空應觀眼處空應觀耳鼻舌身意處空應觀

色處空應觀聲香味觸法處空應觀眼界空應觀耳鼻舌身意界空應觀色界空應觀聲香味觸法界空應觀眼識界空應觀耳鼻舌身意觸界空應觀眼觸爲緣所生諸受空應觀耳鼻舌身意觸爲緣所生諸受空應觀地界空應觀水火風空識界空應觀無明空應觀行識名色六處觸受愛取有生老死空應觀布施波羅蜜多空應觀淨戒安忍精進靜慮般若波羅蜜多空應觀內空空應觀外空內外空空大空勝義空有爲空無爲空畢竟空無際空散空無變異空本性空自相空共相空一切法空不可得空無性空自性空無性自性空空應觀眞如空應觀法界法性不虛妄性不變異性平等性離生性法定法住實際虛空界不思議界空應觀苦聖諦空應觀集滅道聖諦空應觀四靜慮空應觀四無量四無色定空應觀八解脫空應觀八勝處九次第定十遍處空應觀四念住空應觀四正斷四神足五根五力七等覺支八聖道支空應觀空解脫門空應觀無相無願解脫門空應觀三乘菩薩十地空應觀五眼空應觀六神通空應觀佛十力空應觀四無所畏四無礙解大慈大悲大喜大捨

十八佛不共法空應觀無忘失法空應觀恒住捨性  
空應觀一切智空應觀道相智一切相智空應觀一  
切陀羅尼門空應觀一切三摩地門空應觀預流果  
空應觀一來不還阿羅漢果空應觀獨覺菩提空應  
觀一切菩薩摩訶薩行空應觀諸佛無上正等菩提  
空應觀有漏法空應觀無漏法空應觀世間法空應  
觀出世間法空應觀有爲法空應觀無爲法空應觀  
過去法空應觀未來現在法空應觀善法空應觀不  
善無記法空應觀欲界法空應觀色無色界法空善  
現是菩薩摩訶薩作是觀時不令心亂若心不亂則  
不見法若不見法則不作證所以者何善現是菩薩  
摩訶薩善學諸法自相皆空無法可增無法可減故  
於諸法不見不證何以故善現於一切法勝義諦中  
能證所證證處證時及由此證若合若離皆不可得  
不可見故時具壽善現白佛言世尊如佛所言諸菩  
薩摩訶薩於諸法空不應作證世尊云何諸菩薩摩  
訶薩住諸法空而不作證佛言善現諸菩薩摩訶薩  
觀法空時先作是念我應觀法諸相皆空不應作證  
我爲學故觀諸法空不爲證故觀諸法空今是學時  
非爲證時善現是菩薩摩訶薩未入定位繫心於所

緣已入定時不繫心於境善現是菩薩摩訶薩於此時中不退布施波羅蜜多不證漏盡不退淨戒安忍精進靜慮般若波羅蜜多不證漏盡不退內空不證漏盡不退外空內外空空大空勝義空有爲空無爲空畢竟空無際空散空無變異空本性空自相空共相空一切法空不可得空無性空自性空無性自性空不證漏盡不退真如不證漏盡不退法界法性不虛妄性不變異性平等性離生性法定法住實際虛空界不思議界不證漏盡不退苦聖諦不證漏盡不退集滅道聖諦不證漏盡不退四靜慮不證漏盡不退四無量四無色定不證漏盡不退八解脫不證漏盡不退八勝處九次第定十遍處不證漏盡不退四念住不證漏盡不退四正斷四神足五根五力七等覺支八聖道支不證漏盡不退空解脫門不證漏盡不退無相無願解脫門不證漏盡不退五眼不證漏盡不退六神通不證漏盡不退佛十力不證漏盡不退四無所畏四無礙解大慈大悲大喜大捨十八不共法不證漏盡不退無忘失法不證漏盡不退佛不住捨性不證漏盡不退一切智不證漏盡不退道相智一切相智不證漏盡不退一切陀羅尼門不證

漏盡不退一切三摩地門不證漏盡不退菩薩摩訶  
薩行不證漏盡不退無上正等菩提不證漏盡何以  
故善現是菩薩摩訶薩成就如是微妙大智善住法  
空及一切種菩提分法作如是念今時應學非爲證  
時善現是菩薩摩訶薩行深般若波羅蜜多應作是  
念我於布施波羅蜜多今時應學不應作證我於淨  
戒安忍精進靜慮般若波羅蜜多今時應學不應作  
證我於內空今時應學不應作證我於外空內外空  
空空大空勝義空有爲空無爲空畢竟空無際空散  
空無變異空本性空自相空共相空一切法空不可

得空無性空自性空無性自性空今時應學不應作  
證我於真如今時應學不應作證我於法界法性不  
虛妄性不變異性平等性離生性法定法住實際虛  
空界不思議界今時應學不應作證我於苦聖諦今  
時應學不應作證我於集滅道聖諦今時應學不應  
作證我於四靜慮今時應學不應作證我於四無量  
四無色定今時應學不應作證我於八解脫今時應  
學不應作證我於八勝處九次第定十遍處今時應  
學不應作證我於四念住今時應學不應作證我於  
四正斷四神足五根五力七等覺支八聖道支今時

應學不應作證我於空解脫門今時應學不應作證  
我於無相無願解脫門今時應學不應作證我於五  
眼今時應學不應作證我於六神通今時應學不應  
作證我於佛十力今時應學不應作證我於四無所  
畏四無礙解大慈大悲大喜大捨十八佛不共法今  
時應學不應作證我於無忘失法今時應學不應作  
證我於恒住捨性今時應學不應作證我於一切智  
今時應學不應作證我於道相智一切相智今時應  
學不應作證我於一切陀羅尼門今時應學不應作  
證我於一切三摩地門今時應學不應作證我於一

切菩薩摩訶薩行今時應學不應作證我於無上正  
等菩提今時應學不應作證我今應學一切智智不  
應證預流果我今應學一切智智不應證一來不還  
阿羅漢果我今應學一切智智不應證獨覺菩提  
大般若波羅蜜多經卷第三百三十一

音釋

痰病

痰音談  
病液也

技藝

技音寄切巧也能也  
藝倪制切才能也

兢伽

梵語也此

故兢

云天堂來河名也以從高處來  
故兢其極其陵二切伽具迦切

俱胝

梵語也此云  
百億胝張尼

切那庾多

梵語也此云萬  
億庾多

休寧居士劉懋賢同弟懋貞懋賞仰承  
先嚴劉新志府君法施遺願施費刻  
大般若經第三百三十一卷  
武林釋寂福對長洲徐普書深水陳應武刻  
萬曆壬子歲春二月徑山寂照庵識

大般若波羅蜜多經卷第三百三十二

唐三藏法師玄奘奉詔譯

初分善學品第五十三之二

善現是菩薩摩訶薩行深般若波羅蜜多應習近空  
三摩地應安住空三摩地應修行空三摩地而於實  
際不應作證應習近無相無願三摩地應安住無相  
無願三摩地應修行無相無願三摩地而於實際不  
應作證應習近四念住應安住四念住應修行四念  
住而於實際不應作證應習近四正斷四神足五根  
五力七等覺支八聖道支應安住四正斷乃至八聖

道支應修行四正斷乃至八聖道支而於實際不應作證如是乃至應習近佛十力應發趣佛十力應修行佛十力而於實際不應作證應習近四無所畏四無礙解大慈大悲大喜大捨十八佛不共法應發趣四無所畏乃至十八佛不共法而於實際不應作證善現是菩薩摩訶薩雖習近空三摩地安住空三摩地修行空三摩地而不證預流果亦不證一來不還阿羅漢果亦復不證獨覺菩提雖習近無相無願三摩地安住無相無願三摩地修行無相無願三摩地而不證預流果亦不證一來不還阿羅漢果亦復不證獨覺菩提雖習近四念住安住四念住修行四念住而不證預流果亦不證一來不還阿羅漢果亦復不證獨覺菩提雖習近四正斷四神足五根五力七等覺支八聖道支安住四正斷乃至八聖道支修行四正斷乃至八聖道支而不證預流果亦不證一來不還阿羅漢果亦復不證獨覺菩提善現是菩薩摩訶薩由此因緣不墮聲聞及獨覺地疾證無上正等菩提善現譬如壯士威猛勇健形貌端嚴見者歡喜具最清淨圓滿眷屬於諸兵法學至究竟善持器仗安固不動六

十四能十八明處一切技術無不善巧衆人欽仰皆  
悉敬伏善事業故功少利多由此諸人恭敬供養尊  
重讚歎彼於爾時倍增喜躍而自慶慰有因緣故扶  
將老弱及諸眷屬發趣他方中路經過險難曠野其  
間多有惡獸劫賊怨家潛伏諸怖畏事眷屬小大無  
不驚惶其人自恃威猛勇健多諸技術身意泰然安  
慰父母并諸眷屬幸勿憂懼必令無苦彼人於是以  
善巧術將諸眷屬到安隱處既免危難歡娛受樂然  
彼壯士於曠野中惡獸怨賊無加害意所以者何自  
恃威勇具諸技術無所畏故善現當知諸菩薩摩訶  
薩亦復如是愍生死苦諸有情故發趣無上正等菩  
提普緣有情起四無量住四無量俱行之心精勤修  
習布施淨戒安忍精進靜慮般若波羅蜜多令速圓  
滿是菩薩摩訶薩於此六種波羅蜜多未圓滿位爲  
欲修學一切智智不證漏盡雖住空無相無願解脫  
門然不作證由不證故不墮聲聞及獨覺地必趣無  
上正等菩提善現如堅翅鳥飛騰虚空自在翱翔久  
不墮地雖依空戲而不據空亦不爲空之所拘礙善  
現當知諸菩薩摩訶薩亦復如是雖於空無相無願

解脫門數數習近安住修行而不作證由不證故不  
墮聲聞及獨覺地修佛十力四無所畏四無礙解大  
慈大悲大喜大捨十八佛不共法一切智智若未圓  
滿終不依空無相無願三三摩地而證漏盡善現譬  
如壯夫善閑射術欲現已技仰射虛空爲令空中箭  
不墮地復以後箭射前箭栝如是展轉經於多時箭  
箭相承不令墮落若欲令墮便止後箭爾時諸箭方  
頓墮落善現當知諸菩薩摩訶薩亦復如是行深般  
若波羅蜜多方便善巧所攝受故乃至無上正等菩  
提因行善根未皆成熟終不中道證於實際若得無

上正等菩提因行善根一切成熟爾時菩薩方證實  
際便得無上正等菩提是故善現諸菩薩摩訶薩行  
深般若波羅蜜多皆應如是審諦觀察如前所說諸  
法實相爾時具壽善現白佛言世尊諸菩薩摩訶薩  
能爲難事雖學諸法具如法界法性不虛妄性不變  
異性平等性離生性法定法住實際虛空界不思議  
界雖學諸法內空外空內外空空大空勝義空有  
爲空無爲空畢竟空無際空散空無變異空本性空  
自相空共相空一切法空不可得空無性空自性空  
無性自性空雖學苦集滅道聖諦雖學四念住四正

斷四神足五根五力七等覺支八聖道支雖學空無相無願解脫門而於中道不墮聲聞及獨覺地退失無上正等菩提世尊是菩薩摩訶薩甚爲希有佛告善現諸菩薩摩訶薩於諸有情誓不捨故謂作是願若諸有情未得解脫我終不捨所起加行善現諸菩薩摩訶薩願力殊勝常作是念一切有情若未解脫我終不捨由起如是廣大心故於其中道必不退落善現諸菩薩摩訶薩恒作是念我不應捨一切有情必令解脫然諸有情行不正法我爲度彼應數引發寂靜空無相無願解脫門雖數引發而不取證善現是菩薩摩訶薩成就善巧方便力故雖數現起三解脫門而於中間不證實際乃至未得一切智智要得無上正等菩提方乃取證復次善現諸菩薩摩訶薩於甚深處常樂觀察謂樂觀察內空外空內外空空大空勝義空有爲空無爲空畢竟空無際空散空無變異空本性空自相空共相空一切法空不可得空無性空自性空無性自性空亦樂觀察四念住四正斷四神足五根五力七等覺支八聖道支及空無相無願解脫門等皆自相空善現是菩薩摩訶薩作此觀已生如是念諸有情類由惡友力於長夜中起

我想執有情想執命者想執生者想執養者想執士  
夫想執補特伽羅想想執意生想想執儒童想想執作者想  
執受者想想執知者想想執見者想想執由此想想執行有所  
得輪迴生死受種種苦爲斷有情如是想執應趣無  
上正等菩提爲諸有情說深妙法令斷想想執離生死  
苦善現是菩薩摩訶薩爾時雖習空解脫門而不依  
此證於實際雖習無相無願解脫門亦不依此證於  
實際以於實際不取證故不墮預流一來不還阿羅  
漢果亦復不墮獨覺菩提善現是菩薩摩訶薩由如  
是念行深般若波羅蜜多成就善根不證實際雖於  
實際未卽作證而不退失四靜慮亦不退失四無量  
四無色定亦不退失四念住亦不退失四正斷四神  
足五根五力七等覺支八聖道支亦不退失八解脫  
亦不退失八勝處九次第定十遍處亦不退失空解  
脫門亦不退失無相無願解脫門亦不退失內空亦  
不退失外空內外空空大空勝義空有爲空無爲  
空畢竟空無際空散空無變異空本性空自相空共  
相空一切法空不可得空無性空自性空無性自性  
空亦不退失真如亦不退失法界法性不虛妄性不  
變異性平等性離生性法定法住實際虛空界不思

議界亦不退失苦聖諦亦不退失集滅道聖諦亦不退失布施波羅蜜多亦不退失淨戒安忍精進靜慮般若波羅蜜多亦不退失五眼亦不退失六神通亦不退失一切陀羅尼門亦不退失一切三摩地門亦不退失佛十力亦不退失四無所畏四無礙解十八佛不共法亦不退失大慈大悲大喜大捨亦不退失無忘失法亦不退失恒住捨性亦不退失一切智亦不退失道相智一切相智善現是菩薩摩訶薩爾時成就一切菩提分法乃至證得無上正等菩提於諸功德終不衰減善現是菩薩摩訶薩行深般若波羅或執有眼處或執有耳鼻舌身意處或執有色處或執有聲香味觸法處或執有眼界或執有耳鼻舌身意界或執有色界或執有聲香味觸法界或執有眼識界或執有耳鼻舌身意識界或執有眼觸或執有耳鼻舌身意觸或執有眼觸爲緣所生諸受或執有耳鼻舌身意觸爲緣所生諸受或執有地界或執有水火風空識界或執有無明或執有行識名色六處觸受愛取有生老死或執有十善業道或執有四靜慮或執有四無量四無色定或執有四攝事我爲如是諸有情故應趣無上正等菩提修諸菩薩摩訶薩

行證得無上大菩提時令諸有情永斷如是有所得  
執善現是菩薩摩訶薩成就此念行深般若波羅蜜  
多方便善巧所攝受故於佛十力四無所畏四無礙  
解大慈大悲大喜大捨十八佛不共法若未圓滿不  
證實際善現是菩薩摩訶薩爾時雖於無相無願三  
摩地門非不修習而但於空三摩地門修已圓滿復  
次善現若菩薩摩訶薩行深般若波羅蜜多見諸有  
情由惡友力長夜執著無量種相所謂執著女相男  
相色相聲相香相味相觸相法相恒作是念我為如  
是諸有情類應趣無上正等菩提修諸菩薩摩訶薩  
行證得無上大菩提時令諸有情永無如是諸相執  
著善現是菩薩摩訶薩成就此念行深般若波羅蜜  
多方便善巧所攝受故於佛十力四無所畏四無礙  
解大慈大悲大喜大捨十八佛不共法若未圓滿不  
證實際善現是菩薩摩訶薩爾時雖於空無願三摩  
地門非不修習而於無相三摩地門修已圓滿復次  
善現若菩薩摩訶薩已善修學布施淨戒安忍精進  
靜慮般若波羅蜜多已善安住內空外空內外空空  
空空大空勝義空有為空無為空畢竟空無際空散空  
無變異空本性空自相空共相空一切法空不可得

經  
卷第三十三

三

三

經

三

大般若經卷第三十三

九

三

空無性空自性空無性自性空已善安住真如法界  
法性不虛妄性不變異性平等性離生性法定法住  
實際虛空界不思議界已善安住苦集滅道聖諦已  
善修學四念住四正斷四神足五根五力七等覺支  
八聖道支已善修學空無相無願解脫門已善修學  
乃至佛十力四無所畏四無礙解大慈大喜大  
捨十八佛不共法及餘無量無邊佛法善現是菩薩  
摩訶薩成就如是功德智慧若於生死發起樂想或  
說爲樂或於三界安住執著無有是處善現若菩薩  
摩訶薩已善修學菩提分法一切如來應正等覺及  
諸菩薩摩訶薩衆法應試問若菩薩摩訶薩欲證無  
上正等菩提云何修學菩提分法而不證空無相無  
願無生無滅無作無爲無性實際由不證故不墮預  
流一來不還阿羅漢果獨覺菩提而勤修習甚深般  
若波羅蜜多常無所執善現是菩薩摩訶薩得此問  
時若作是答諸菩薩摩訶薩欲證無上正等菩提但  
應思惟空無相無願無生無滅無作無爲無性實際  
及餘一切菩提分法不應修學善現當知是菩薩摩  
訶薩未蒙如來應正等覺授於無上正等菩提不退  
轉記何以故善現是菩薩摩訶薩未能開示記別顯

了住不退轉位菩薩摩訶薩修學法相善現是菩薩摩訶薩得此問時若作是答諸菩薩摩訶薩欲證無上正等菩提應正思惟空無相無願無生無滅無作無爲無性實際及餘一切菩提分法亦應方便如前所說善巧修學而不作證善現當知是菩薩摩訶薩已蒙如來應正等覺授於無上正等菩提不退轉記何以故善現是菩薩摩訶薩已能開示記別顯了住不退轉位菩薩摩訶薩修學法相善現若菩薩摩訶薩未能開示記別顯了住不退轉位菩薩摩訶薩修學法相當知是菩薩摩訶薩未善修學布施淨戒安忍精進靜慮般若波羅蜜多菩提分法未入薄地未如諸餘住不退轉位菩薩摩訶薩開示記別顯了安住不退轉地善現若菩薩摩訶薩已能開示記別顯了住不退轉位菩薩摩訶薩修學法相當知是菩薩摩訶薩已善修學布施淨戒安忍精進靜慮般若波羅蜜多菩提分法已入薄地已如諸餘住不退轉位菩薩摩訶薩開示記別顯了安住不退轉地時且壽善現白佛言世尊頗有未得不退轉菩薩摩訶薩能作如是如實答不佛言善現有菩薩摩訶薩雖未得不退轉而能於此作如實答善現是菩薩摩訶薩雖

未得不退轉而能修習布施淨戒安忍精進靜慮般若波羅蜜多菩提分法已得成熟覺慧猛利若聞不聞能如實答如不退轉位菩薩摩訶薩具壽善現復白佛言世尊多有菩薩摩訶薩修行無上正等菩提少有能如實答如不退轉位菩薩摩訶薩已善修治地未善修治地而安住故佛言善現如是如是如汝所說何以故善現少有菩薩摩訶薩得受如是不退轉地微妙慧記若有得受如是記者皆能於此作如實答善現若能作此如實答者當知是菩薩摩訶薩善根明利世間天人阿素洛等不能破壞復次善現若菩薩摩訶薩乃至夢中亦不愛樂稱讚聲聞及獨覺地於三界法亦不舉心愛樂稱讚常觀諸法如夢如幻如響如像如光影如陽焰如變化事如尋香城雖如是觀察而不證實際善現當知是菩薩摩訶薩不退轉相復次善現若菩薩摩訶薩夢見如來應正等覺有無量衆無量百衆無量千衆無量百千衆無量俱胝衆無量百俱胝衆無量千俱胝衆無量百千俱胝衆無量那由多衆無量百那由多衆無量千那由多衆無量百千那由多衆謂苾芻苾芻尼鄔波索迦鄔波斯迦天龍藥叉捷達縛阿素洛揭路荼緊捺

洛莫呼洛伽人非人等恭敬圍繞而爲說法旣聞法  
已善解義趣解義趣已精進修行法隨法行及和敬  
行并隨法行善現當知是菩薩摩訶薩不退轉相復  
次善現若菩薩摩訶薩夢見如來應正等覺具三十  
二大士夫相八十隨好圓滿莊嚴圓光一尋周卽照  
曜與苾芻衆涌在空中現大神通說正法要化作化  
事令到他方無邊佛土施作佛事善現當知是菩薩  
摩訶薩不退轉相復次善現若菩薩摩訶薩夢見狂  
賊破壞村城或見火起焚燒聚落或見虎狼師子猛  
獸毒蛇惡蝎欲來害身或見怨家欲斬其首或見父  
母兄弟姊妹妻子親友臨欲命終或見自身寒熱飢  
渴及餘苦事之所逼惱見如是等可怖畏事不驚不  
懼亦不憂惱從夢覺已卽能思惟三界虛假皆如夢  
見我證無上大菩提時爲諸有情宣說三界一切虛  
妄皆如夢境善現當知是菩薩摩訶薩不退轉相復  
次善現若菩薩摩訶薩乃至夢中見有地獄傍生鬼  
界諸有情類便作是念我當精勤修諸菩薩摩訶薩  
行速趣無上正等菩提願得無上大菩提時我佛土  
中無有地獄傍生鬼界諸有情類乃至無有諸惡趣  
名從夢覺已亦作是念善現當知是菩薩摩訶薩當

作佛時彼佛土中定無惡趣何以故善現若夢若覺  
諸法無二無二分故善現當知是菩薩摩訶薩不退  
轉相復次善現若菩薩摩訶薩夢中見火燒地獄等  
諸有情類或復見燒城邑聚落便發誓願若我已受  
不退轉記當得無上正等菩提願此大火卽時頓滅  
變爲清涼善現此菩薩摩訶薩作是願已夢中見火  
卽時滅者當知是爲不退轉菩薩摩訶薩作是願已  
若火不滅當知未得不退轉地善現當知是菩薩摩  
訶薩不退轉相復次善現若菩薩摩訶薩覺時現見  
大火卒起燒諸城邑或燒聚落便作是念我在夢中

或在覺位曾見自有不退轉地諸行狀相未審虛實  
若我所見是實有者願此大火卽時頓滅變爲清涼  
善現此菩薩摩訶薩作是誓願發誠諦言爾時大火  
卽頓滅者當知是爲不退轉菩薩摩訶薩作是誓願  
發誠諦言火不滅者當知未得不退轉地善現當知  
是菩薩摩訶薩不退轉相復次善現若菩薩摩訶薩  
覺時見火燒諸城邑或燒聚落便作是念我在夢中  
或在覺位曾見自有不退轉地諸行狀相若我所見  
定是實有必得無上大菩提者願此大火卽時頓滅  
變爲清涼善現是菩薩摩訶薩發此誓願誠諦言已

爾時大火不爲頓滅然燒一家越置一家復燒一家  
或燒一巷越置一巷復燒一巷如是展轉其火乃滅  
善現是菩薩摩訶薩應自了知決定已得不退轉地  
然被燒者由彼有情造作增長壞正法業彼由此業  
先墮惡趣無量劫中受正苦報今生人趣受彼餘殃  
或由此業當墮惡趣經無量劫受正苦報今在人趣  
先現少殃善現當知是菩薩摩訶薩不退轉相復次  
善現由前所說種種因緣知是不退轉菩薩摩訶薩  
復有成就諸行狀相知是不退轉菩薩摩訶薩當爲  
汝說汝應諦聽善現答言唯然願說佛告善現若菩  
薩摩訶薩見有男子或有女人現爲非人之所魅著  
便作是念若諸如來應正等覺知我已得清淨意樂  
授我無上正等菩提不退轉記若我久發清淨作意  
求證無上正等菩提遠離聲聞獨覺意樂以聲聞  
獨覺作意求證無上正等菩提若我當來必得無上  
正等菩提窮未來際利益安樂諸有情類若十方界  
現在實有無量如來應正等覺說微妙法利樂有情  
彼諸如來應正等覺無所不見無所不知無所不解  
無所不證現知見覺一切有情意樂差別願垂照察  
我心所念及誠諦言若我實能修菩薩行必得無上

正等菩提救拔有情生死苦者願是男子或此女人  
不爲非人之所擾惱彼隨我語卽當捨去善現是菩  
薩摩訶薩作此語時若彼非人不爲去者當知是菩  
薩摩訶薩未蒙如來應正等覺曾授無上正等菩提  
不退轉記善現是菩薩摩訶薩作此語時若彼非人  
卽爲去者當知是菩薩摩訶薩已蒙如來應正等覺  
授彼無上正等菩提不退轉記善現若菩薩摩訶薩  
成就如是諸行狀相當知是爲不退轉菩薩摩訶薩  
復次善現有菩薩摩訶薩未善修學布施波羅蜜多  
未善修學淨戒安忍精進靜慮般若波羅蜜多未善  
安住內空未善安住外空內外空空大空勝義空  
有爲空無爲空畢竟空無際空散空無變異空本性  
空自相空共相空一切法空不可得空無性空自性  
空無性自性空未善安住真如未善安住法界法性  
不虛妄性不變異性平等性離生性法定法住實際  
虛空界不思議界未善安住苦聖諦未善安住集滅  
道聖諦未善修學四念住未善修學四正斷四神足  
五根五力七等覺支八聖道支未善修學四靜慮未  
善修學四無量四無色定未善修學八解脫未善修  
學八勝處九次第定十遍處未善修學空解脫門未

經

大般若經卷第三十三

五

勝義

經

大般若經卷第三十三

七

勝義

善修學無相無願解脫門未善修學陀羅尼門未善  
修學三摩地門未入菩薩正性離生未具修習一切  
佛法遠離菩薩方便善巧未免惡魔之所惱亂於諸  
魔事未能覺了不自度量善根厚薄學諸菩薩發誠  
諦言便爲惡魔之所誑惑善現是菩薩摩訶薩見有  
男子或有女人現爲非人之所魅著即便輕爾發誠  
諦言若我已從過去諸佛受得無上正等菩提不退  
轉記令是男子或此女人不爲非人之所擾惱彼隨  
我語速當捨去善現是菩薩摩訶薩作此語已爾時  
惡魔爲惑亂故即便驅逼非人令去所以者何善現  
惡魔威力勝彼非人是故非人受魔教勅即便捨去  
善現是菩薩摩訶薩見此事已歡喜踊躍作是念言  
非人今去是吾威力所以者何非人隨我所發誓願  
即便放此男子女人無別緣故善現是菩薩摩訶薩  
不能覺知惡魔所作謂是己力妄生歡喜恃此輕弄  
諸餘菩薩言我已從過去諸佛受得無上正等菩提  
不退轉記所發誓願皆不唐捐汝等未蒙諸佛授記  
不應相學發誠諦言設有要期必空無果善現是菩  
薩摩訶薩輕弄毀訾諸菩薩故妄恃少能於諸功德  
生長多種增上慢故遠離無上正等菩提不能證得

一切智智善現是菩薩摩訶薩以無善巧方便力故  
生長多品增上慢故輕蔑毀訾諸菩薩故雖勤精進  
而墮聲聞或獨覺地善現是菩薩摩訶薩薄福德故  
所作善業發誠諦言皆起魔事善現是菩薩摩訶薩  
不能親近供養恭敬尊重讚歎諸善知識不能請問  
得不退轉菩薩行相不能諮受諸惡魔軍所作事業  
由斯魔縛轉復堅牢所以者何善現是菩薩摩訶薩  
不久修行布施淨戒安忍精進靜慮般若波羅蜜多  
乃至遠離方便善巧故爲惡魔之所擾亂是故善現  
諸菩薩摩訶薩應善覺知種種魔事爾時具壽善現

卽白佛言世尊云何菩薩摩訶薩不久修行布施淨  
戒安忍精進靜慮般若波羅蜜多不久安住內空外  
空內外空空空大空勝義空有爲空無爲空畢竟空  
無際空散空無變異空本性空自相空共相空一切  
法空不可得空無性空自性空無性自性空不久安  
住眞如法界法性不虛妄性不變異性平等性離生  
性法定法住實際虛空界不思議界不久安住苦集  
滅道聖諦不久修行四念住四正斷四神足五根五  
力七等覺支八聖道支不久修行四靜慮四無量四  
無色定不久修行八解脫八勝處九次第定十遍處

經  
卷之三  
三

經  
卷之三  
三

不久修行空無相無願解脫門不久修行陀羅尼門  
三摩地門未入菩薩正性離生未具修行一切佛法  
遠離菩薩方便善巧爲諸惡魔之所擾亂佛言善現  
惡魔變作種種形像至此菩薩摩訶薩前方便誑言  
咄善男子汝自知不過去諸佛已曾授汝大菩提記  
汝於無上正等菩提決定當得不復退轉汝身名某  
父母名某兄弟名某姊妹名某親友眷屬乃至七世  
父母宗親各名爲某汝身生在某方某國某城某邑  
某聚落中汝在某年某月某日某時某宿相王中生  
善現如是惡魔若見此菩薩心行柔軟根性遲鈍便  
詐記言汝於先世亦心行柔軟根性遲鈍如是惡魔  
若見此菩薩心行剛強根性猛利便詐記言汝於先  
世亦心行剛強根性猛利如是惡魔若見此菩薩居  
阿練若或居塚間或居露地或居樹下或常乞食或  
一受食或一坐食或一鉢食或糞掃衣或但三衣或  
常坐不卧或如舊敷具或少欲或喜足或樂遠離或  
具正念或樂靜定或具妙慧或不重利養或不貴名  
譽或好廉儉不塗其足或減睡眠或不掉舉或好少  
言或樂軟語如是惡魔見此菩薩種種行已便詐記  
言汝於先世已曾如是居阿練若或居塚間廣說乃

至少言軟語所以者何汝今成就如是種種杜多功德世間共見汝於先世決定亦有如是種種殊勝功德應自慶慰勿得自輕善現是菩薩摩訶薩聞此惡魔說其先世并當來世有勝功德及說現在自身親族名字差別生處生時兼讚種種杜多功德聞已歡喜心生憍慢凌蔑毀罵諸餘菩薩善現爾時惡魔知此菩薩其心闇鈍復告之言汝有如是功德相狀過去如來應正等覺定已授汝大菩提記汝於無上正等菩提必當證得不復退轉善現是時惡魔爲擾亂故或矯現作出家形像或矯現作在家形像或矯現作父母形像或矯現作兄弟形像或矯現作姊妹形像或矯現作親友形像或矯現作梵志形像或矯現作師範形像或矯現作天龍藥叉人非人等種種形像至此菩薩摩訶薩所作如是言過去如來應正等覺久已授汝大菩提記汝於無上正等菩提決定當得不復退轉何以故諸不退轉位菩薩摩訶薩功德相狀汝皆具有應自尊重勿生猶豫善現如我所說實得不退轉菩薩摩訶薩諸行狀相是菩薩摩訶薩懷增上慢實皆非有善現當知是菩薩摩訶薩魔所執持爲魔所魅何以故是菩薩摩訶薩於得不退轉

菩薩摩訶薩諸行狀相實皆未有但聞惡魔說其功德及說名字生處生時少分似實便生僑慢輕弄毀罵諸餘菩薩是故善現若菩薩摩訶薩欲得無上等菩提應善覺知如是魔事

大般若波羅蜜多經卷第三百三十二

音釋

翱翔翔音敖翔音祥數數並音朔頻也屢也箭栝栝古活切箭木

受弦處鄔波索迦梵語也此云近事男又梵語鄔波斯迦此云近事女鄔安古切揭

路茶梵語也亦云迦樓羅此云金翅鳥揭居謁切茶同都切緊捺洛亦云緊

邪羅此云疑神又云八非人捺乃八切惡蝎蝎許蝎切毒蟲尾有刺能蜇人姊妹姊妹音

子妹唐捐捐謂余專切唐捐謂徒棄也毀訾訾音紫譏也亦毀也輕蔑蔑爾

塚知隴切平曰墓掉舉掉杜弔切搖也舉居許切動也掉舉謂身心妄搖動

也封曰塚高曰墳掉舉動也掉舉謂身心妄搖動閻鈍閻音暗

鈍杜困切矯詐也範音犯法也式也猶豫豫羊茹切猶

不利也疑故以事不決者為猶豫

休寧居士劉懋賢同弟懋貞懋賞仰承先嚴劉新志府君法施遺願施貴刻大般若經第三百三十二卷真州釋道一對長洲徐普書旌德劉邦瀛刻萬曆壬子歲春二月徑山寂照庵識

經 大般若經卷第三百三十二 二二二 二

大般若波羅蜜多經卷第三百三十三

唐三藏法師玄奘奉詔譯

初分善學品第五十三之三

復次善現有菩薩摩訶薩魔所執持爲魔所魅但聞  
名字妄生執著所以者何善現是菩薩摩訶薩先未  
修學布施淨戒安忍精進靜慮般若波羅蜜多先未  
安住內空外空內外空空大空勝義空有爲空無  
爲空畢竟空無際空散空無變異空本性空自相空  
共相空一切法空不可得空無性空自性空無性自  
性空先未安住真如法界法性不虛妄性不變異性

平等性離生性法定法住實際虛空界不思議界先  
未安住苦集滅道聖諦先未修學四念住四正斷四  
神足五根五力七等覺支八聖道支先未修學四靜  
慮四無量四無色定先未修學八解脫八勝處九次  
第定十遍處先未修學空無相無願解脫門先未修  
學菩薩十地先未修學五眼六神通先未修學陀羅  
尼門三摩地門先未修學佛十力四無所畏四無礙  
解大慈大悲大喜大捨十八佛不共法先未修學無  
忘失法恒住捨性先未修學一切智道相智一切相  
智先未修學一切菩薩摩訶薩行先未修學諸佛無

上正等菩提由此因緣令魔得便善現是菩薩摩訶  
薩不能了知蘊魔行相不能了知死魔行相不能了  
知天魔行相不能了知煩惱魔行相由此因緣令魔  
得便善現是菩薩摩訶薩不能了知色不能了知受想行  
識不能了知眼處不能了知耳鼻舌身意識不能了知色處  
不能了知聲香味觸法處不能了知眼界不能了知耳鼻舌  
身意識不能了知色界不能了知聲香味觸法界不能了知  
眼識界不能了知耳鼻舌身意識界不能了知眼觸不能了  
知耳鼻舌身意識不能了知眼觸爲緣所生諸受不能了  
知耳鼻舌身意識不能了知眼觸爲緣所生諸受不能了  
知地界不能了

知水火風空識界不了知無明不了知行識名色六處觸受愛取有生老死不了知布施波羅蜜多不了知淨戒安忍精進靜慮般若波羅蜜多不了知內空不了知外空內外空空空大空勝義空有爲空無爲空畢竟空無際空散空無變異空本性空自相空共相空一切法空不可得空無性空自性空無性自性空不了知真如不了知法界法性不虛妄性不變異性平等性離生性法定法住實際虛空界不思議界不了知四念住不了知四正斷四神足五根五力七等覺支八聖道支不了知苦聖諦不了知集滅道聖諦不了知四靜慮不了知四無量四無色定不了知八解脫不了知八勝處九次第定十遍處不了知空解脫門不了知無相無願解脫門不了知十地不了知五眼不了知六神通不了知三摩地門不了知陀羅尼門不了知佛十力不了知四無所畏四無礙解大慈大悲大喜大捨十八佛不共法不了知預流果不了知一來不還阿羅漢果不了知獨覺菩提不了知一切智不了知道相智一切相智亦不了知有情諸法名字實相由此因緣令魔得便方便化作種種形像語此菩薩摩訶薩言汝所修行願行已滿當證

無上正等菩提汝成佛時當得如是殊勝功德尊貴  
名號善現謂彼惡魔知此菩薩長夜思願我成佛時  
當得如是功德名號隨其思願而記說之善現時此  
菩薩遠離般若波羅蜜多無巧便故聞魔記說作是  
念言奇哉是人爲我記說當得成佛功德名號與我  
長夜思願相應由此故知過去諸佛必已授我大菩  
提記我於無上正等菩提決定當得不復退轉我成  
佛時必定當得如是功德尊貴名號善現是菩薩摩  
訶薩如是惡魔或魔眷屬或魔所執諸沙門等記說  
當來成佛名號如是如是慢心轉增我於未來定當  
作佛獲得如是功德名號諸餘菩薩無與我等善現  
如我所說已得不退轉菩薩摩訶薩諸行狀相此菩  
薩摩訶薩皆未成就但聞魔說成佛虛名便生傲慢  
輕弄毀蔑諸餘菩薩摩訶薩衆善現是菩薩摩訶薩  
由起傲慢輕弄毀蔑諸餘菩薩摩訶薩故遠離無上  
正等菩提善現是菩薩摩訶薩遠離般若波羅蜜多  
無巧便故棄善友故常爲惡友所攝受故當墮聲聞  
或獨覺地善現是菩薩摩訶薩或有此身還得正念  
至誠悔過捨舊慢心數數親近供養恭敬尊重讚歎  
眞勝善友彼雖流轉生死多時而後還依甚深般若

波羅蜜多漸次修學當證無上正等菩提善現是菩薩摩訶薩若有此身不得正念不能悔過不捨慢心不欲親近供養恭敬尊重讚歎真勝善友彼定流轉生死多時後雖精進修諸善業而墮聲聞或獨覺地善現譬如苾芻求聲聞者於四重罪若隨犯一便非沙門非釋迦子彼於現在定不能得預流一來不還應果善現妄執虛名菩薩亦爾但聞魔記成佛空名便起慢心輕弄毀蔑諸餘菩薩摩訶薩衆當知此罪過彼苾芻所犯四重無量倍數善現置彼苾芻所犯四重此菩薩罪過五無間亦無量倍所以者何善現是菩薩摩訶薩實不成就殊勝功德聞惡魔說成佛名號便自傲慢輕餘菩薩是故此罪過五無間是故善現若菩薩摩訶薩欲得無上正等菩提應善覺知如是記說虛名號等微細魔事復次善現有菩薩摩訶薩隱在山林空澤曠野獨居宴坐修遠離行時有惡魔來到其所恭敬讚歎遠離功德謂作是言善哉大士能修如是遠離之行此遠離行一切如來應正等覺共所稱讚天帝釋等諸天神仙皆共守護供養尊重應常住此勿往餘處善現我不讚歎諸菩薩摩訶薩居阿練若曠野山林宴坐思惟修遠離行爾時

善現白佛言世尊諸菩薩摩訶薩應修何等餘遠離  
行而佛不讚居阿練若曠野山林離諸卧具思惟冥  
坐遠離功德惟願爲說諸菩薩摩訶薩勝遠離行佛  
言善現諸菩薩摩訶薩若居山林空澤曠野阿練若  
處若居城邑聚落王都誼雜之處但能遠離煩惱惡  
業遠離聲聞獨覺作意勤修般若波羅蜜多及修諸  
餘殊勝功德是名菩薩真遠離行善現此遠離行一  
切如來應正等覺共所稱讚此遠離行一切如來應  
正等覺共所開許善現此遠離行諸菩薩摩訶薩常  
應修學若晝若夜應正思惟精進修行此遠離法是  
名菩薩修遠離行善現此遠離行不雜聲聞獨覺作  
意不雜一切煩惱惡業離諸誼雜畢竟清淨令諸菩  
薩速證無上正等菩提利樂有情窮未來際常無斷  
盡善現惡魔所讚隱在山林空澤曠野阿練若處遠  
離卧具獨居宴坐非諸菩薩勝遠離行何以故善現  
彼遠離行猶有誼雜謂彼或雜惡業煩惱或雜聲聞  
獨覺作意於深般若波羅蜜多不能精勤信受修學  
不能圓滿一切智智善現有菩薩摩訶薩雖勤修習  
惡魔所讚遠離行法而起傲慢不清淨心輕弄毀蔑  
諸餘菩薩摩訶薩衆謂有菩薩摩訶薩衆雖居城邑

聚落王都而心清淨不雜種種煩惱惡業不雜聲聞  
獨覺作意精勤修習布施淨戒安忍精進靜慮般若  
波羅蜜多精勤安住內空外空內外空空空大空勝  
義空有爲空無爲空畢竟空無際空散空無變異空  
本性空自相空共相空一切法空不可得空無性空  
自性空無性自性空精勤安住眞如法界法性不虛  
妄性不變異性平等性離生性法定法住實際虛空  
界不思議界精勤安住苦集滅道聖諦精勤修習四  
念住四正斷四神足五根五力七等覺支八聖道支  
於四靜慮四無量四無色定五神通等世間功德修

已圓滿精勤修習空無相無願解脫門精勤修習五  
眼六神通精勤修習陀羅尼門三摩地門精勤修習  
佛十力四無所畏四無礙解大悲大喜大捨十  
八不共法精勤修習無忘失法恒住捨性精勤修  
習一切智道相智一切相智嚴淨佛土成熟有情雖  
居憤鬧而心寂靜恒勤修習勝遠離行彼於如是眞  
淨菩薩摩訶薩衆心生憍慢輕弄毀訾誹謗凌蔑善  
現是菩薩摩訶薩遠離般若波羅蜜多無巧便故設  
居曠野百踰繕那其中絕無諸惡禽獸蛇蠍盜賊唯  
有神鬼羅刹娑等遊止其中彼居如是阿練若處雖

經一歲或經十歲或經百歲或經千歲或經百千歲  
或經俱胝歲或經百俱胝歲或經千俱胝歲或經百  
千俱胝歲或復過此修遠離行而不了知諸菩薩摩  
訶薩真遠離行謂諸菩薩摩訶薩衆雖居憤鬧而心  
寂靜遠離種種煩惱惡業發趣無上正等菩提遠離  
聲聞獨覺作意是菩薩摩訶薩雖居曠野經歷多時  
而雜聲聞獨覺作意樂著聲聞獨覺地法依止彼法  
修遠離行復於此行深生愛著善現彼雖如是修遠  
離行而不稱順諸如來心善現我所稱讚諸菩薩摩  
訶薩真遠離行是菩薩摩訶薩都不成就彼於真勝

遠離行中亦不見有相似行相所以者何彼於如是  
真遠離行不生愛樂但樂修行聲聞獨覺空遠離行  
善現是菩薩摩訶薩修不真勝遠離行時魔來空中  
歡喜讚歎告言大士善哉善哉汝能修行真遠離行  
此遠離行一切如來應正等覺共所稱讚汝於此行  
精勤修習速證無上正等菩提善現是菩薩摩訶薩  
執著如是聲聞獨覺遠離行法以爲最勝輕弄毀蔑  
住菩薩乘雖居憤鬧而心寂靜成調善法諸苾芻等  
言彼不能修遠離行身居憤鬧心不寂靜善現是菩  
薩摩訶薩於諸如來應正等覺共所稱讚住真遠離

行菩薩摩訶薩輕弄毀蔑謂居憤開心不寂靜不能  
修行真遠離行於諸如來應正等覺所不稱讚住真  
誼雜行菩薩摩訶薩尊重讚歎謂不誼雜其心寂靜  
能正修行真遠離行善現是菩薩摩訶薩於應親近  
供養恭敬如大師者而不親近供養恭敬反生輕蔑  
於應遠離不應承事如惡友者而不遠離供養恭敬  
如事大師善現是菩薩摩訶薩遠離般若波羅蜜多  
無巧便故妄生執著所以者何彼作是念我所修行  
是真遠離故爲非人稱讚護念居城邑者身心擾亂  
誰當護念恭敬稱美善現是菩薩摩訶薩由此因緣  
心多傲慢輕弄毀蔑諸餘菩薩摩訶薩衆煩惱惡業  
晝夜增長善現當知是菩薩摩訶薩於諸菩薩爲旃  
荼羅穢汙菩薩摩訶薩衆雖似菩薩摩訶薩相而是  
天上人中大賊誑惑天人阿素洛等其身雖服沙門  
法衣而心常懷盜賊意樂諸有發趣菩薩乘者不應  
親近供養恭敬尊重讚歎如是惡人何以故善現當  
知是人懷增上慢外似菩薩內多煩惱是故善現若  
菩薩摩訶薩真實不捨一切智智不捨無上正等菩  
提深心求證一切智智求證無上正等菩提普爲利  
樂諸有情者不應親近供養恭敬尊重讚歎如是惡

入善現諸菩薩摩訶薩常應精進修自事業厭離生死不著三界於彼惡賊旃荼羅人應當發心慈悲喜捨應作是念我不應起如彼惡人所起過患設當失念如彼暫起卽應覺知速令除滅善現諸菩薩摩訶薩欲證無上正等菩提應善覺知如是魔事應勤精進遠離除滅如彼菩薩所起過患復次善現若菩薩摩訶薩增上意樂欲證無上正等菩提常應親近供養恭敬尊重讚歎眞勝善友時具壽善現白佛言世尊何等名爲諸菩薩摩訶薩眞勝善友佛言善現一切如來應正等覺是菩薩摩訶薩眞勝善友一切菩

薩摩訶薩亦是菩薩摩訶薩眞勝善友諸有聲聞及餘善士能爲菩薩摩訶薩衆宣說開示分別顯了布施淨戒安忍精進靜慮般若波羅蜜多相應之法令易解者當知亦是菩薩摩訶薩眞勝善友善現當知布施波羅蜜多是菩薩摩訶薩眞勝善友淨戒安忍精進靜慮般若波羅蜜多亦是菩薩摩訶薩眞勝善友善現當知四念住是菩薩摩訶薩眞勝善友四正斷四神足五根五力七等覺支八聖道支亦是菩薩摩訶薩眞勝善友善現當知四靜慮是菩薩摩訶薩眞勝善友四無量四無色定亦是菩薩摩訶薩眞勝

善友善現當知八解脫是菩薩摩訶薩真勝善友八  
勝處九次第定十遍處亦是菩薩摩訶薩真勝善友  
善現當知空解脫門是菩薩摩訶薩真勝善友無相  
無願解脫門亦是菩薩摩訶薩真勝善友善現當知  
極喜地是菩薩摩訶薩真勝善友離垢地發光地焰  
慧地極難勝地現前地遠行地不動地善慧地法雲  
地亦是菩薩摩訶薩真勝善友善現當知五眼是菩  
薩摩訶薩真勝善友六神通亦是菩薩摩訶薩真勝  
善友善現當知三摩地門是菩薩摩訶薩真勝善友  
陀羅尼門亦是菩薩摩訶薩真勝善友善現當知佛  
十力是菩薩摩訶薩真勝善友四無所畏四無礙解  
大慈大悲大喜大捨十八不共法亦是菩薩摩訶  
薩真勝善友善現當知無忘失法是菩薩摩訶薩真  
勝善友恒住捨性亦是菩薩摩訶薩真勝善友善現  
當知永斷一切煩惱習氣是菩薩摩訶薩真勝善友  
善現當知一切智是菩薩摩訶薩真勝善友道相智  
一切相智亦是菩薩摩訶薩真勝善友善現當知一  
切菩薩摩訶薩行是菩薩摩訶薩真勝善友諸佛無  
上正等菩提亦是菩薩摩訶薩真勝善友善現當知  
苦聖諦是菩薩摩訶薩真勝善友集滅道聖諦亦是

菩薩摩訶薩眞勝善友善現當知諸法緣性是菩薩  
摩訶薩眞勝善友諸緣起支亦是菩薩摩訶薩眞勝  
善友善現當知內空是菩薩摩訶薩眞勝善友外空  
內外空空大空勝義空有爲空無爲空畢竟空無  
際空散空無變異空空本性空自相空共相空一切法  
空不可得空無性空自性空無性自性空亦是菩薩  
摩訶薩眞勝善友善現當知眞如是菩薩摩訶薩眞  
勝善友法界法性不虛妄性不變異性平等性離生  
性法定法住實際虛空界不思議界亦是菩薩摩訶  
薩眞勝善友善現當知布施波羅蜜多與諸菩薩摩

訶薩衆爲師爲導爲明爲炬爲燈爲照爲解爲覺爲  
智爲慧爲救爲護爲室爲宅爲洲爲渚爲歸爲趣爲  
父爲母淨戒安忍精進靜慮般若波羅蜜多亦與菩  
薩摩訶薩衆爲師爲導爲明爲炬爲燈爲照爲解爲  
覺爲智爲慧爲救爲護爲室爲宅爲洲爲渚爲歸爲  
趣爲父爲母善現當知四念住與諸菩薩摩訶薩衆  
爲師爲導爲明爲炬爲燈爲照爲解爲覺爲智爲慧  
爲救爲護爲室爲宅爲洲爲渚爲歸爲趣爲父爲母  
四正斷四神足五根五力七等覺支八聖道支亦與  
菩薩摩訶薩衆爲師爲導爲明爲炬爲燈爲照爲解

爲覺爲智爲慧爲救爲護爲室爲宅爲洲爲渚爲歸  
爲趣爲父爲母善現當知四靜慮與諸菩薩摩訶薩  
衆爲師爲導爲明爲炬爲燈爲照爲解爲覺爲智爲  
慧爲救爲護爲室爲宅爲洲爲渚爲歸爲趣爲父爲  
母四無量四無色定亦與菩薩摩訶薩衆爲師爲導  
爲明爲炬爲燈爲照爲解爲覺爲智爲慧爲救爲護  
爲室爲宅爲洲爲渚爲歸爲趣爲父爲母善現當知  
八解脫與諸菩薩摩訶薩衆爲師爲導爲明爲炬爲  
燈爲照爲解爲覺爲智爲慧爲救爲護爲室爲宅爲  
洲爲渚爲歸爲趣爲父爲母八勝處九次第定十遍

處亦與菩薩摩訶薩衆爲師爲導爲明爲炬爲燈爲  
照爲解爲覺爲智爲慧爲救爲護爲室爲宅爲洲爲  
渚爲歸爲趣爲父爲母善現當知空解脫門與諸菩  
薩摩訶薩衆爲師爲導爲明爲炬爲燈爲照爲解爲  
覺爲智爲慧爲救爲護爲室爲宅爲洲爲渚爲歸爲  
趣爲父爲母無相無願解脫門亦與菩薩摩訶薩衆  
爲師爲導爲明爲炬爲燈爲照爲解爲覺爲智爲慧  
爲救爲護爲室爲宅爲洲爲渚爲歸爲趣爲父爲母  
善現當知極喜地與諸菩薩摩訶薩衆爲師爲導爲  
明爲炬爲燈爲照爲解爲覺爲智爲慧爲救爲護爲

經

大般若經卷第三十三

三

三

經

大般若經卷第三十三

三

三

室爲宅爲洲爲渚爲歸爲趣爲父爲母離垢地發光  
地焰慧地極難勝地現前地遠行地不動地善慧地  
法雲地亦與菩薩摩訶薩衆爲師爲導爲明爲炬爲  
燈爲照爲解爲覺爲智爲慧爲救爲護爲室爲宅爲  
洲爲渚爲歸爲趣爲父爲母善現當知五眼與諸菩  
薩摩訶薩衆爲師爲導爲明爲炬爲燈爲照爲解爲  
覺爲智爲慧爲救爲護爲室爲宅爲洲爲渚爲歸爲  
趣爲父爲母六神通亦與菩薩摩訶薩衆爲師爲導  
爲明爲炬爲燈爲照爲解爲覺爲智爲慧爲救爲護  
爲室爲宅爲洲爲渚爲歸爲趣爲父爲母善現當知

三摩地門與諸菩薩摩訶薩衆爲師爲導爲明爲炬  
爲燈爲照爲解爲覺爲智爲慧爲救爲護爲室爲宅  
爲洲爲渚爲歸爲趣爲父爲母陀羅尼門亦與菩薩  
摩訶薩衆爲師爲導爲明爲炬爲燈爲照爲解爲覺  
爲智爲慧爲救爲護爲室爲宅爲洲爲渚爲歸爲趣  
爲父爲母善現當知佛十力與諸菩薩摩訶薩衆爲  
師爲導爲明爲炬爲燈爲照爲解爲覺爲智爲慧爲  
救爲護爲室爲宅爲洲爲渚爲歸爲趣爲父爲母四  
無所畏四無礙解大慈大悲大喜大捨十八佛不共  
法亦與菩薩摩訶薩衆爲師爲導爲明爲炬爲燈爲

照爲解爲覺爲智爲慧爲救爲護爲室爲宅爲洲爲  
渚爲歸爲趣爲父爲母善現當知無忘失法與諸菩  
薩摩訶薩衆爲師爲導爲明爲炬爲燈爲照爲解爲  
覺爲智爲慧爲救爲護爲室爲宅爲洲爲渚爲歸爲  
趣爲父爲母恒住捨性亦與菩薩摩訶薩衆爲師爲  
導爲明爲炬爲燈爲照爲解爲覺爲智爲慧爲救爲  
護爲室爲宅爲洲爲渚爲歸爲趣爲父爲母善現當  
知永斷一切煩惱習氣與諸菩薩摩訶薩衆爲師爲  
導爲明爲炬爲燈爲照爲解爲覺爲智爲慧爲救爲  
護爲室爲宅爲洲爲渚爲歸爲趣爲父爲母善現當  
知一切智與諸菩薩摩訶薩衆爲師爲導爲明爲炬  
爲燈爲照爲解爲覺爲智爲慧爲救爲護爲室爲宅  
爲洲爲渚爲歸爲趣爲父爲母道相智一切相智亦  
與菩薩摩訶薩衆爲師爲導爲明爲炬爲燈爲照爲  
解爲覺爲智爲慧爲救爲護爲室爲宅爲洲爲渚爲  
歸爲趣爲父爲母善現當知一切菩薩摩訶薩行與  
諸菩薩摩訶薩衆爲師爲導爲明爲炬爲燈爲照爲  
解爲覺爲智爲慧爲救爲護爲室爲宅爲洲爲渚爲  
歸爲趣爲父爲母諸佛無上正等菩提亦與菩薩摩  
訶薩衆爲師爲導爲明爲炬爲燈爲照爲解爲覺爲

智爲慧爲救爲護爲室爲宅爲洲爲渚爲歸爲趣爲  
父爲母善現當知苦聖諦與諸菩薩摩訶薩衆爲師  
爲導爲明爲炬爲燈爲照爲解爲覺爲智爲慧爲救  
爲護爲室爲宅爲洲爲渚爲歸爲趣爲父爲母集滅  
道聖諦亦與菩薩摩訶薩衆爲師爲導爲明爲炬爲  
燈爲照爲解爲覺爲智爲慧爲救爲護爲室爲宅爲  
洲爲渚爲歸爲趣爲父爲母善現當知諸法緣性與  
諸菩薩摩訶薩衆爲師爲導爲明爲炬爲燈爲照爲  
解爲覺爲智爲慧爲救爲護爲室爲宅爲洲爲渚爲  
歸爲趣爲父爲母諸緣起支亦與菩薩摩訶薩衆爲

師爲導爲明爲炬爲燈爲照爲解爲覺爲智爲慧爲  
救爲護爲室爲宅爲洲爲渚爲歸爲趣爲父爲母善  
現當知內空與諸菩薩摩訶薩衆爲師爲導爲明爲  
炬爲燈爲照爲解爲覺爲智爲慧爲救爲護爲室爲  
宅爲洲爲渚爲歸爲趣爲父爲母外空內外空空  
大空勝義空有爲空無爲空畢竟空無際空散空無  
變異空本性空自相空共相空一切法空不可得空  
無性空自性空無性自性空亦與菩薩摩訶薩衆爲  
師爲導爲明爲炬爲燈爲照爲解爲覺爲智爲慧爲  
救爲護爲室爲宅爲洲爲渚爲歸爲趣爲父爲母善

現當知真如與諸菩薩摩訶薩衆爲師爲導爲明爲  
炬爲燈爲照爲解爲覺爲智爲慧爲救爲護爲室爲  
宅爲洲爲渚爲歸爲趣爲父爲母法界法性不虛妄  
性不變異性平等性離生性法定法住實際虛空界  
不思議界亦與菩薩摩訶薩衆爲師爲導爲明爲炬  
爲燈爲照爲解爲覺爲智爲慧爲救爲護爲室爲宅  
爲洲爲渚爲歸爲趣爲父爲母何以故善現過去所  
有一切如來應正等覺皆以布施波羅蜜多廣說乃  
至不思議界爲師爲導爲明爲炬爲燈爲照爲解爲  
覺爲智爲慧爲救爲護爲室爲宅爲洲爲渚爲歸爲  
趣爲父爲母未來所有一切如來應正等覺皆以布  
施波羅蜜多廣說乃至不思議界爲師爲導爲明爲  
炬爲燈爲照爲解爲覺爲智爲慧爲救爲護爲室爲  
宅爲洲爲渚爲歸爲趣爲父爲母現在十方無量無  
數無邊世界一切如來應正等覺住持安隱一切有  
情宣說開示微妙法者皆以布施波羅蜜多廣說乃  
至不思議界爲師爲導爲明爲炬爲燈爲照爲解爲  
覺爲智爲慧爲救爲護爲室爲宅爲洲爲渚爲歸爲  
趣爲父爲母何以故善現過去未來現在諸佛皆從  
布施波羅蜜多廣說乃至不思議界而出生故是故

善現若菩薩摩訶薩增上意樂欲證無上正等菩提  
成熟有情嚴淨佛土當學布施波羅蜜多當學淨戒  
安忍精進靜慮般若波羅蜜多當學四念住當學四  
正斷四神足五根五力七等覺支八聖道支當學四  
靜慮當學四無量四無色定當學八解脫當學八勝  
處九次第定十遍處當學空解脫門當學無相無願  
解脫門當學極喜地當學離垢地發光地焰慧地極  
難勝地現前地遠行地不動地善慧地法雲地當學  
五眼當學六神通當學二摩地門當學陀羅尼門當  
學佛十力當學四無所畏四無礙解大慈大悲大喜

大捨十八佛不共法當學無忘失法當學恒住捨性  
當學永斷一切煩惱習氣當學一切智當學道相智  
一切相智當學一切菩薩摩訶薩行當學諸佛無上  
正等菩提當學苦聖諦當學集滅道聖諦當學諸法  
緣性當學諸緣起支當學內空當學外空內外空空  
空大空勝義空有爲空無爲空畢竟空無際空散空  
無變異空空本性空自相空共相空一切法空不可得  
空無性空自性空無性自性空當學眞如當學法界  
法性不虛妄性不變異性平等性離生性法定法住  
實際虛空界不思議界善現是菩薩摩訶薩既學布

施波羅蜜多廣說乃至不思議界復應以四攝事攝諸有情何等爲四一者布施二者愛語三者利行四者同事善現我觀此義故作是說布施淨戒安忍精進靜慮般若波羅蜜多廣說乃至不思議界與諸菩薩摩訶薩衆爲師爲導爲明爲炬爲燈爲照爲解爲覺爲智爲慧爲救爲護爲室爲宅爲洲爲渚爲歸爲趣爲父爲母是故善現諸菩薩摩訶薩欲行不隨他教行欲住不隨他教住欲斷一切有情疑欲滿一切有情願欲嚴淨佛土欲成熟有情當學般若波羅蜜多何以故善現於此般若波羅蜜多甚深經中廣說

菩薩摩訶薩衆所應修學一切法相一切菩薩摩訶薩衆皆於此中應勤修學爾時具壽善現白佛言世尊如是般若波羅蜜多以何爲相而勸菩薩摩訶薩衆應勤修學佛言善現如是般若波羅蜜多以虛空爲相如是般若波羅蜜多以無著爲相如是般若波羅蜜多以無相爲相何以故善現於此般若波羅蜜多甚深相中諸法諸相皆不可得無所有故時具壽善現白佛言世尊頗有因緣可說般若波羅蜜多所有妙相諸法亦有如是相耶佛言善現如是如是如汝所說有因緣故可說般若波羅蜜多所有妙相諸

法亦有如是妙相所以者何善現如是般若波羅蜜多以性空爲相諸法亦以性空爲相如是般若波羅蜜多以遠離爲相諸法亦以遠離爲相善現由此因緣可作是說甚深般若波羅蜜多所有妙相諸法亦有如是妙相以一切法皆自性空離衆相故具壽善現復白佛言世尊若一切法皆自性空遠離衆相則一切法一切法空亦一切法一切法離云何有情可施設有雜染清淨世尊非性空法有染有淨亦非遠離法有染有淨世尊非性空法能證無上正等菩提亦非遠離法能證無上正等菩提世尊非性空中有

法可得亦非遠離中有法可得世尊非性空中有菩薩摩訶薩證得無上正等菩提亦非遠離中有菩薩摩訶薩證得無上正等菩提世尊云何令我解佛所說甚深義趣爾時佛告具壽善現言善現於意云何有情長夜有我我所心執我我所不善現答言如是世尊如是善逝有情長夜有我我所心執著我我所佛言善現於意云何彼心所執我及我所空遠離不善現答言如是世尊如是善逝彼心所執我及我所皆空遠離佛言善現於意云何豈不有情由我我所執流轉生死善現答言如是世尊如是善逝諸有情

類由我我所執流轉生死佛言善現如有有情流轉  
生死由有雜染以是證知雜染可得善現若諸有情  
無心執著我及我所則無雜染若無雜染是則應無  
流轉生死流轉生死既現可得由此應知有雜染法  
既有雜染亦有清淨是故善現應知有情雖自性空  
遠離衆相而有雜染清淨可得

大般若波羅蜜多經卷第三百三十三

音釋

傲慢

傲魚到切倨也  
慢莫晏切忽也

憤鬧

憤古外切鬧女教  
切謂憤亂喧鬧也

踰繕

邠

楚語也亦云由旬此云限量如此方一驛地或  
四十里六十里八十里也踰音俞繕音戰切

旃荼羅

梵語也亦云旃陀羅此云炬  
屠者旃諸延切荼同都切

渚

音王小  
洲曰渚

休寧居士劉懋賢同弟懋貞懋賞仰承

先嚴劉新志府君法施遺願施費刻

大般若經第三百三十三卷

宛襄釋性融村長洲徐善真州劉文元刻

萬曆壬子歲孟春月徑山寂照庵識

大般若波羅蜜多經卷第三百三十四

唐三藏法師玄奘奉詔譯

初分善學品第五十三之四

爾時具壽善現復白佛言世尊諸菩薩摩訶薩若如是行則不行色亦不行受想行識世尊諸菩薩摩訶薩若如是行則不行眼處亦不行耳鼻舌身意處世尊諸菩薩摩訶薩若如是行則不行色處亦不行聲香味觸法處世尊諸菩薩摩訶薩若如是行則不行眼界亦不行耳鼻舌身意界世尊諸菩薩摩訶薩若如是行則不行色界亦不行聲香味觸法界世尊諸

菩薩摩訶薩若如是行則不行眼識界亦不行耳鼻  
舌身意識界世尊諸菩薩摩訶薩若如是行則不行  
眼觸亦不行耳鼻舌身意觸世尊諸菩薩摩訶薩若  
如是行則不行眼觸爲緣所生諸受亦不行耳鼻舌  
身意觸爲緣所生諸受世尊諸菩薩摩訶薩若如是  
行則不行地界亦不行水火風空識界世尊諸菩薩  
摩訶薩若如是行則不行無明亦不行行識名色六  
處觸受愛取有生老死世尊諸菩薩摩訶薩若如是  
行則不行布施波羅蜜多亦不行淨戒安忍精進靜  
慮般若波羅蜜多世尊諸菩薩摩訶薩若如是行則  
不行內空亦不行外空內外空空大空勝義空有  
爲空無爲空畢竟空無際空散空無變異空本性空  
自相空共相空一切法空不可得空無性空自性空  
無性自性空世尊諸菩薩摩訶薩若如是行則不行  
眞如亦不行法界法性不虛妄性不變異性平等性  
離生性法定法住實際虛空界不思議界世尊諸菩  
薩摩訶薩若如是行則不行四念住亦不行四正斷  
四神足五根五力七等覺支八聖道支世尊諸菩薩  
摩訶薩若如是行則不行苦聖諦亦不行集滅道聖  
諦世尊諸菩薩摩訶薩若如是行則不行四靜慮亦

不行四無量四無色定世尊諸菩薩摩訶薩若如是  
行則不行八解脫亦不行八勝處九次第定十遍處  
世尊諸菩薩摩訶薩若如是行則不行空解脫門亦  
不行無相無願解脫門世尊諸菩薩摩訶薩若如是  
行則不行五眼亦不行六神通世尊諸菩薩摩訶薩  
若如是行則不行三摩地門亦不行陀羅尼門世尊  
諸菩薩摩訶薩若如是行則不行佛十力亦不行四  
無所畏四無礙解大慈大悲大喜大捨十八佛不共  
法世尊諸菩薩摩訶薩若如是行則不行無忘失法  
亦不行恒住捨性世尊諸菩薩摩訶薩若如是行則

不行預流果亦不行一來不還阿羅漢果世尊諸菩  
薩摩訶薩若如是行則不行獨覺菩提世尊諸菩薩  
摩訶薩若如是行則不行一切智亦不行道相智一  
切相智何以故世尊如是諸法能行所行行時行處  
及由此而行皆不可得故世尊若菩薩摩訶薩能如  
是行不爲一切世間天人阿素洛等之所降伏能伏  
一切世間天人阿素洛等世尊若菩薩摩訶薩能如  
是行不爲一切聲聞獨覺之所降伏能伏一切聲聞  
獨覺何以故世尊是菩薩摩訶薩已得安住無能伏  
處謂菩薩離生位世尊是菩薩摩訶薩恒住一切智

智作意不可屈伏世尊是菩薩摩訶薩如是行時則  
爲隣近一切智智疾證無上正等菩提佛言善現如  
是如汝所說復次善現於意云何假使於此南  
瞻部洲諸有情類皆得人身得人身已皆證無上正  
等菩提有善男子善女人等盡其形壽以諸世間上  
妙供具供養恭敬尊重讚歎此諸如來應正等覺復  
持如是供養善根與諸有情平等共有迴向無上正  
等菩提是善男子善女人等由此因緣得福多不善  
現答言甚多世尊甚多善逝佛言善現若善男子善  
女人等於大衆中宣說如是甚深般若波羅蜜多施

設建立分別開示令其易了及住如是甚深般若波  
羅蜜多相應作意此善男子善女人等由是因緣所  
獲功德甚多於彼無量無邊不可稱計復次善現於  
意云何假使於此南瞻部洲東勝身洲諸有情類皆  
得人身得人身已皆證無上正等菩提有善男子善  
女人等盡其形壽以諸世間上妙供具供養恭敬尊  
重讚歎此諸如來應正等覺復持如是供養善根與  
諸有情平等共有迴向無上正等菩提是善男子善  
女人等由此因緣得福多不善現答言甚多世尊甚  
多善逝佛言善現若善男子善女人等於大衆中宣

說如是甚深般若波羅蜜多施設建立分別開示令其易了及住如是甚深般若波羅蜜多相應作意此善男子善女人等由是因緣所獲功德甚多於彼無量無邊不可稱計復次善現於意云何假使於此南贍部洲東勝身洲西牛貨洲諸有情類皆得人身得人身已皆證無上正等菩提有善男子善女人等盡其形壽以諸世間上妙供具供養恭敬尊重讚歎此諸如來應正等覺復持如是供養善根與諸有情平等共有迴向無上正等菩提是善男子善女人等由此因緣得福多不善現答言甚多世尊甚多善逝佛

言善現若善男子善女人等於大衆中宣說如是甚深般若波羅蜜多施設建立分別開示令其易了及住如是甚深般若波羅蜜多相應作意此善男子善女人等由是因緣所獲功德甚多於彼無量無邊不可稱計復次善現於意云何假使於此四大洲界諸有情類皆得人身得人身已皆證無上正等菩提有善男子善女人等盡其形壽以諸世間上妙供具供養恭敬尊重讚歎此諸如來應正等覺復持如是供養善根與諸有情平等共有迴向無上正等菩提是善男子善女人等由此因緣得福多不善現答言甚

經 下 天册考略三三十四 四 册四

經 一 大藏全書卷三百七十四 五 壽四

多世尊甚多善逝佛言善現若善男子善女人等於  
大衆中宣說如是甚深般若波羅蜜多施設建立分  
別開示令其易了及住如是甚深般若波羅蜜多相  
應作意此善男子善女人等由是因緣所獲功德甚  
多於彼無量無邊不可稱計復次善現於意云何假  
使於此小千世界諸有情類皆得人身得人身已皆  
證無上正等菩提有善男子善女人等盡其形壽以  
諸世間上妙供具供養恭敬尊重讚歎此諸如來應  
正等覺復持如是供養善根與諸有情平等共有迴  
向無上正等菩提是善男子善女人等由此因緣得

福多不善現答言甚多世尊甚多善逝佛言善現若  
善男子善女人等於大衆中宣說如是甚深般若波  
羅蜜多施設建立分別開示令其易了及住如是甚  
深般若波羅蜜多相應作意此善男子善女人等由  
是因緣所獲功德甚多於彼無量無邊不可稱計復  
次善現於意云何假使於此中千世界諸有情類皆  
得人身得人身已皆證無上正等菩提有善男子善  
女人等盡其形壽以諸世間上妙供具供養恭敬尊  
重讚歎此諸如來應正等覺復持如是供養善根與  
諸有情平等共有迴向無上正等菩提是善男子善

女人等由此因緣得福多不善現答言甚多世尊甚多善逝佛言善現若善男子善女人等於大衆中宣說如是甚深般若波羅蜜多施設建立分別開示令其易了及住如是甚深般若波羅蜜多相應作意此善男子善女人等由是因緣所獲功德甚多於彼無量無邊不可稱計復次善現於三千大千世界諸有情類皆得人身得人身已皆證無上正等菩提有善男子善女人等盡其形壽以諸世間上妙供具供養恭敬尊重讚歎此諸如來應正等覺復持如是供養善根與諸有情平等共有迴向無上正等菩提是善男子善女人等由此因緣得福多不善現答言甚多世尊甚多善逝佛言善現若善男子善女人等於大衆中宣說如是甚深般若波羅蜜多施設建立分別開示令其易了及住如是甚深般若波羅蜜多相應作意此善男子善女人等由是因緣所獲功德甚多於彼無量無邊不可稱計復次善現於得人身有善男子善女人等方便教導皆令安住十善業道復持如是教導善根與諸有情平等共有迴向無上正等菩提是善男子善女人等由此因緣得

福多不善現答言甚多世尊甚多善逝佛言善現若善男子善女人等於大衆中宣說如是甚深般若波羅蜜多施設建立分別開示令其易了及正安住一切智智相應作意此善男子善女人等由是因緣所獲功德甚多於彼無量無邊不可稱計復次善現於意云何假使於此南瞻部洲東勝身洲諸有情類非前非後皆得人身有善男子善女人等方便教導皆令安住十善業道復持如是教導善根與諸有情平等共有迴向無上正等菩提是善男子善女人等由此因緣得福多不善現答言甚多世尊甚多善逝佛

言善現若善男子善女人等於大衆中宣說如是甚深般若波羅蜜多施設建立分別開示令其易了及正安住一切智智相應作意此善男子善女人等由是因緣所獲功德甚多於彼無量無邊不可稱計復次善現於意云何假使於此南瞻部洲東勝身洲西牛貨洲諸有情類非前非後皆得人身有善男子善女人等方便教導皆令安住十善業道復持如是教導善根與諸有情平等共有迴向無上正等菩提是善男子善女人等由此因緣得福多不善現答言甚多世尊甚多善逝佛言善現若善男子善女人等於

大衆中宣說如是甚深般若波羅蜜多施設建立分別開示令其易了及正安住一切智智相應作意此善男子善女人等由是因緣所獲功德甚多於彼無量無邊不可稱計復次善現於意云何假使於此四大洲界諸有情類非前後皆得人身有善男子善女人等方便教導皆令安住十善業道復持如是教導善根與諸有情平等共有迴向無上正等菩提是善男子善女人等由此因緣得福多不善現答言甚多世尊甚多善逝佛言善現若善男子善女人等於大衆中宣說如是甚深般若波羅蜜多施設建立分

別開示令其易了及正安住一切智智相應作意此善男子善女人等由是因緣所獲功德甚多於彼無量無邊不可稱計復次善現於意云何假使於此大千世界諸有情類非前後皆得人身有善男子善女人等方便教導皆令安住十善業道復持如是教導善根與諸有情平等共有迴向無上正等菩提是善男子善女人等由此因緣得福多不善現答言甚多世尊甚多善逝佛言善現若善男子善女人等於大衆中宣說如是甚深般若波羅蜜多施設建立分別開示令其易了及正安住一切智智相應作意此

善男子善女人等由是因緣所獲功德甚多於彼無量無邊不可稱計復次善現於意云何假使於此大千世界諸有情類非前非後皆得人身有善男子善女人等方便教導皆令安住十善業道復持如是教導善根與諸有情平等共有迴向無上正等菩提是善男子善女人等由此因緣得福多不善現答言甚多世尊甚多善逝佛言善現若善男子善女人等於大衆中宣說如是甚深般若波羅蜜多施設建立分別開示令其易了及正安住一切智智相應作意此善男子善女人等由是因緣所獲功德甚多於彼無量無邊不可稱計復次善現於意云何假使於

此南瞻部洲諸有情類非前非後皆得人身有善男子善女人等方便教導皆令安住四靜慮四無量四無色定五神通復持如是教導善根與諸有情平等共有迴向無上正等菩提是善男子善女人等由此因緣得福多不善現答言甚多世尊甚多善逝佛言善現若善男子善女人等於大眾中宣說如是甚深般若波羅蜜多施設建立分別開示令其易了及正安住一切智智相應作意此善男子善女人等由是因緣所獲功德甚多於彼無量無邊不可稱計復次善現於意云何假使於此南瞻部洲東勝身洲諸有

情類非前非後皆得人身有善男子善女人等方便教導皆令安住四靜慮四無量四無色定五神通復持如是教導善根與諸有情平等共有迴向無上正等菩提是善男子善女人等由此因緣得福多不善現答言甚多世尊甚多善逝佛言善現若善男子善女人等於大眾中宣說如是甚深般若波羅蜜多施設建立分別開示令其易了及正安住一切智智相應作意此善男子善女人等由是因緣所獲功德甚多於彼無量無邊不可稱計復次善現於意云何假使於此南瞻部洲東勝身洲西牛賀洲諸有情類非

前非後皆得人身有善男子善女人等方便教導皆  
令安住四靜慮四無量四無色定五神通復持如是  
教導善根與諸有情平等共有迴向無上正等菩提  
是善男子善女人等由此因緣得福多不善現答言  
甚多世尊甚多善逝佛言善現若善男子善女人等  
於大眾中宣說如是甚深般若波羅蜜多施設建立  
分別開示令其易了及正安住一切智智相應作意  
此善男子善女人等由是因緣所獲功德甚多於彼  
無量無邊不可稱計復次善現於意云何假使於此  
四大洲界諸有情類非前非後皆得人身有善男子  
善女人等方便教導皆令安住四靜慮四無量四無  
色定五神通復持如是教導善根與諸有情平等共  
有迴向無上正等菩提是善男子善女人等由此因  
緣得福多不善現答言甚多世尊甚多善逝佛言善  
現若善男子善女人等於大眾中宣說如是甚深般  
若波羅蜜多施設建立分別開示令其易了及正安  
住一切智智相應作意此善男子善女人等由是因  
緣所獲功德甚多於彼無量無邊不可稱計復次善  
現於意云何假使於此小千世界諸有情類非前非  
後皆得人身有善男子善女人等方便教導皆令安

住四靜慮四無量四無色定五神通復持如是教導  
善根與諸有情平等共有迴向無上正等菩提是善  
男子善女人等由此因緣得福多不善現答言甚多  
世尊甚多善逝佛言善現若善男子善女人等於大  
衆中宣說如是甚深般若波羅蜜多施設建立分別  
開示令其易了及正安住一切智智相應作意此善  
男子善女人等由是因緣所獲功德甚多於彼無量  
無邊不可稱計復次善現於意云何假使於此中千  
世界諸有情類非前非後皆得人身有善男子善女  
人等方便教導皆令安住四靜慮四無量四無色定  
五神通復持如是教導善根與諸有情平等共有迴  
向無上正等菩提是善男子善女人等由此因緣得  
福多不善現答言甚多世尊甚多善逝佛言善現若  
善男子善女人等於大衆中宣說如是甚深般若波  
羅蜜多施設建立分別開示令其易了及正安住一  
切智智相應作意此善男子善女人等由是因緣所  
獲功德甚多於彼無量無邊不可稱計復次善現於  
意云何假使於此三千大千世界諸有情類非前非  
後皆得人身有善男子善女人等方便教導皆令安  
住四靜慮四無量四無色定五神通復持如是教導

善根與諸有情平等共有迴向無上正等菩提是善  
男子善女人等由此因緣得福多不善現答言甚多  
世尊甚多善逝佛言善現若善男子善女人等於大  
衆中宣說如是甚深般若波羅蜜多施設建立分別  
開示令其易了及正安住一切智智相應作意此善  
男子善女人等由是因緣所獲功德甚多於彼無量  
無邊不可稱計復次善現於意云何假使於此南瞻  
部洲諸有情類非前非後皆得人身有善男子善女  
人等方便教導皆令安住四沙門果復持如是教導  
善根與諸有情平等共有迴向無上正等菩提是善

男子善女人等由此因緣得福多不善現答言甚多  
世尊甚多善逝佛言善現若善男子善女人等於大  
衆中宣說如是甚深般若波羅蜜多施設建立分別  
開示令其易了及正安住一切智智相應作意此善  
男子善女人等由是因緣所獲功德甚多於彼無量  
無邊不可稱計復次善現於意云何假使於此南瞻  
部洲東勝身洲諸有情類非前非後皆得人身有善  
男子善女人等方便教導皆令安住四沙門果復持  
如是教導善根與諸有情平等共有迴向無上正等  
菩提是善男子善女人等由此因緣得福多不善現

答言甚多世尊甚多善逝佛言善現若善男子善女人等於大衆中宣說如是甚深般若波羅蜜多施設建立分別開示令其易了及正安住一切智智相應作意此善男子善女人等由是因緣所獲功德甚多於彼無量無邊不可稱計復次善現於意云何假使於此南瞻部洲東勝身洲西牛賀洲諸有情類非前非後皆得人身有善男子善女人等方便教導皆令安住四沙門果復持如是教導善根與諸有情平等共有迴向無上正等菩提是善男子善女人等由此因緣得福多不善現答言甚多世尊甚多善逝佛言

善現若善男子善女人等於大衆中宣說如是甚深般若波羅蜜多施設建立分別開示令其易了及正安住一切智智相應作意此善男子善女人等由是因緣所獲功德甚多於彼無量無邊不可稱計復次善現於意云何假使於此四大洲界諸有情類非前非後皆得人身有善男子善女人等方便教導皆令安住四沙門果復持如是教導善根與諸有情平等共有迴向無上正等菩提是善男子善女人等由此因緣得福多不善現答言甚多世尊甚多善逝佛言善現若善男子善女人等於大衆中宣說如是甚深

般若波羅蜜多施設建立分別開示令其易了及正  
安住一切智智相應作意此善男子善女人等由是  
因緣所獲功德甚多於彼無量無邊不可稱計復次  
善現於意云何假使於此小千世界諸有情類非前  
非後皆得人身有善男子善女人等方便教導皆令  
安住四沙門果復持如是教導善根與諸有情平等  
共有迴向無上正等菩提是善男子善女人等由此  
因緣得福多不善現答言甚多世尊甚多善逝佛言  
善現若善男子善女人等於大衆中宣說如是甚深  
般若波羅蜜多施設建立分別開示令其易了及正

安住一切智智相應作意此善男子善女人等由是  
因緣所獲功德甚多於彼無量無邊不可稱計復次  
善現於意云何假使於此中千世界諸有情類非前  
非後皆得人身有善男子善女人等方便教導皆令  
安住四沙門果復持如是教導善根與諸有情平等  
共有迴向無上正等菩提是善男子善女人等由此  
因緣得福多不善現答言甚多世尊甚多善逝佛言  
善現若善男子善女人等於大衆中宣說如是甚深  
般若波羅蜜多施設建立分別開示令其易了及正  
安住一切智智相應作意此善男子善女人等由是

因緣所獲功德甚多於彼無量無邊不可稱計復次善現於意云何假使於此三千大千世界諸有情類非前非後皆得人身有善男子善女人等方便教導皆令安住四沙門果復持如是教導善根與諸有情平等共有迴向無上正等菩提是善男子善女人等由此因緣得福多不善現答言甚多世尊甚多善逝佛言善現若善男子善女人等於大衆中宣說如是甚深般若波羅蜜多施設建立分別開示令其易了及正安住一切智智相應作意此善男子善女人等由是因緣所獲功德甚多於彼無量無邊不可稱計

復次善現於意云何假使於此南瞻部洲諸有情類非前非後皆得人身有善男子善女人等方便教導皆令安住獨覺菩提復持如是教導善根與諸有情平等共有迴向無上正等菩提是善男子善女人等由此因緣得福多不善現答言甚多世尊甚多善逝佛言善現若善男子善女人等於大衆中宣說如是甚深般若波羅蜜多施設建立分別開示令其易了及正安住一切智智相應作意此善男子善女人等由是因緣所獲功德甚多於彼無量無邊不可稱計復次善現於意云何假使於此南瞻部洲東勝身洲

諸有情類非前非後皆得人身有善男子善女人等  
方便教導皆令安住獨覺菩提復持如是教導善根  
與諸有情平等共有迴向無上正等菩提是善男子  
善女人等由此因緣得福多不善現答言甚多世尊  
甚多善逝佛言善現若善男子善女人等於大衆中  
宣說如是甚深般若波羅蜜多施設建立分別開示  
令其易了及正安住一切智智相應作意此善男子  
善女人等由是因緣所獲功德甚多於彼無量無邊  
不可稱計復次善現於意云何假使於此南瞻部洲  
東勝身洲西牛貨洲諸有情類非前非後皆得人身

有善男子善女人等方便教導皆令安住獨覺菩提  
復持如是教導善根與諸有情平等共有迴向無上  
正等菩提是善男子善女人等由此因緣得福多不  
善現答言甚多世尊甚多善逝佛言善現若善男子  
善女人等於大衆中宣說如是甚深般若波羅蜜多  
施設建立分別開示令其易了及正安住一切智智  
相應作意此善男子善女人等由是因緣所獲功德  
甚多於彼無量無邊不可稱計復次善現於意云何  
假使於此四大洲界諸有情類非前非後皆得人身  
有善男子善女人等方便教導皆令安住獨覺菩提

復持如是教導善根與諸有情平等共有迴向無上  
正等菩提是善男子善女人等由此因緣得福多不  
善現答言甚多世尊甚多善逝佛言善現若善男子  
善女人等於大衆中宣說如是甚深般若波羅蜜多  
施設建立分別開示令其易了及正安住一切智智  
相應作意此善男子善女人等由是因緣所獲功德  
甚多於彼無量無邊不可稱計復次善現於意云何  
假使於此小千世界諸有情類非前非後皆得人身  
有善男子善女人等方便教導皆令安住獨覺菩提  
復持如是教導善根與諸有情平等共有迴向無上

正等菩提是善男子善女人等由是因緣得福多不  
善現答言甚多世尊甚多善逝佛言善現若善男子  
善女人等於大衆中宣說如是甚深般若波羅蜜多  
施設建立分別開示令其易了及正安住一切智智  
相應作意此善男子善女人等由是因緣所獲功德  
甚多於彼無量無邊不可稱計復次善現於意云何  
假使於此中千世界諸有情類非前非後皆得人身  
有善男子善女人等方便教導皆令安住獨覺菩提  
復持如是教導善根與諸有情平等共有迴向無上  
正等菩提是善男子善女人等由此因緣得福多不

善現答言甚多世尊甚多善逝佛言善現若善男子  
善女人等於大衆中宣說如是甚深般若波羅蜜多  
施設建立分別開示令其易了及正安住一切智智  
相應作意此善男子善女人等由是因緣所獲功德  
甚多於彼無量無邊不可稱計復次善現於意云何  
假使於此三千大千世界諸有情類非前非後皆得  
人身有善男子善女人等方便教導皆令安住獨覺  
菩提復持如是教導善根與諸有情平等共有迴向  
無上正等菩提是善男子善女人等由此因緣得福  
多不善現答言甚多世尊甚多善逝佛言善現若善  
男子善女人等於大衆中宣說如是甚深般若波羅  
蜜多施設建立分別開示令其易了及正安住一切  
智智相應作意此善男子善女人等由是因緣所獲  
功德甚多於彼無量無邊不可稱計  
大般若波羅蜜多經卷第三百三十四

休寧居士劉懋賢同弟懋貞懋賞仰承

先嚴劉新志府君法施遺願施貴刻

大般若經第三百三十四卷

古欵釋如淨對長洲徐普書金陵鄭大化刻  
萬曆壬子歲孟春月徑山寂照庵識

大般若波羅蜜多經卷第三百三十五

唐三藏法師玄奘奉詔譯

初分善學品第五十三之五

復次善現於意云何假使於此南瞻部洲諸有情類  
非前非後皆得人身有善男子善女人等方便教導  
皆令發起無上覺心修習菩薩摩訶薩行證得無上  
正等菩提復持如是教導善根與諸有情平等共有  
迴向無上正等菩提是善男子善女人等由此因緣  
得福多不善現答言甚多世尊甚多善逝佛言善現  
若善男子善女人等於大衆中宣說如是甚深般若

波羅蜜多施設建立分別開示令其易了及正安住  
一切智智相應作意此善男子善女人等由是因緣  
所獲功德甚多於彼無量無邊不可稱計復次善現  
於意云何假使於此南瞻部洲東勝身洲諸有情類  
非前非後皆得人身有善男子善女人等方便教導  
皆令發起無上覺心修習菩薩摩訶薩行證得無上  
正等菩提復持如是教導善根與諸有情平等共有  
迴向無上正等菩提是善男子善女人等由此因緣  
得福多不善現答言甚多世尊甚多善逝佛言善現  
若善男子善女人等於大衆中宣說如是甚深般若

波羅蜜多施設建立分別開示令其易了及正安住  
一切智智相應作意此善男子善女人等由是因緣  
所獲功德甚多於彼無量無邊不可稱計復次善現  
於意云何假使於此南瞻部洲東勝身洲西牛貨洲  
諸有情類非前非後皆得人身有善男子善女人等  
方便教導皆令發起無上覺心修習菩薩摩訶薩行  
證得無上正等菩提復持如是教導善根與諸有情  
平等共有迴向無上正等菩提是善男子善女人等  
由此因緣得福多不善現答言甚多世尊甚多善逝  
佛言善現若善男子善女人等於大衆中宣說如是

甚深般若波羅蜜多施設建立分別開示令其易了  
及正安住一切智智相應作意此善男子善女人等  
由是因緣所獲功德甚多於彼無量無邊不可稱計  
復次善現於意云何假使於此四大洲界諸有情類  
非前非後皆得人身有善男子善女人等方便教導  
皆令發起無上覺心修習菩薩摩訶薩行證得無上  
正等菩提復持如是教導善根與諸有情平等共有  
迴向無上正等菩提是善男子善女人等由此因緣  
得福多不善現答言甚多世尊甚多善逝佛言善現  
若善男子善女人等於大衆中宣說如是甚深般若

波羅蜜多施設建立分別開示令其易了及正安住  
一切智智相應作意此善男子善女人等由是因緣  
所獲功德甚多於彼無量無邊不可稱計復次善現  
於意云何假使於此小千世界諸有情類非前非後  
皆得人身有善男子善女人等方便教導皆令發起  
無上覺心修習菩薩摩訶薩行證得無上正等菩提  
復持如是教導善根與諸有情平等共有迴向無上  
正等菩提是善男子善女人等由此因緣得福多不  
善現答言甚多世尊甚多善逝佛言善現若善男子  
善女人等於大衆中宣說如是甚深般若波羅蜜多

施設建立分別開示令其易了及正安住一切智智相應作意此善男子善女人等由是因緣所獲功德甚多於彼無量無邊不可稱計復次善現於意云何假使於此中千世界諸有情類非前後皆得人身有善男子善女人等方便教導皆令發起無上覺心修習菩薩摩訶薩行證得無上正等菩提復持如是教導善根與諸有情平等共有迴向無上正等菩提是善男子善女人等由此因緣得福多不善現答言甚多世尊甚多善逝佛言善現若善男子善女人等於大眾中宣說如是甚深般若波羅蜜多施設建立

分別開示令其易了及正安住一切智智相應作意此善男子善女人等由是因緣所獲功德甚多於彼無量無邊不可稱計復次善現於意云何假使於此三千大千世界諸有情類非前後皆得人身有善男子善女人等方便教導皆令發起無上覺心修習菩薩摩訶薩行證得無上正等菩提復持如是教導善根與諸有情平等共有迴向無上正等菩提是善男子善女人等由此因緣得福多不善現答言甚多世尊甚多善逝佛言善現若善男子善女人等於大眾中宣說如是甚深般若波羅蜜多施設建立分別

開示令其易了及正安住一切智智相應作意此善男子善女人等由是因緣所獲功德甚多於彼無量無邊不可稱計善現當知是菩薩摩訶薩由此精勤增上勢力到諸有情福田彼岸何以故善現是菩薩摩訶薩於法精勤增上勢力一切有情無能及者唯除如來應正等覺所以者何善現是菩薩摩訶薩行深般若波羅蜜多見諸有情無利樂故起大慈心見諸有情有衰苦故起大悲心見諸有情得利樂故起大喜心見諸有情無性相故起大捨心善現是菩薩摩訶薩雖於有情平等發起大慈大悲大喜大捨而

於一切無所執著善現是菩薩摩訶薩行深般若波羅蜜多得大光明謂得布施波羅蜜多光明亦得淨戒安忍精進靜慮般若波羅蜜多光明善現是菩薩摩訶薩雖未證得一切智智而於無上正等菩提得不退轉故至有情福田彼岸堪受一切衣服飲食牀座醫藥諸資生具善現是菩薩摩訶薩安住般若波羅蜜多相應作意故能畢竟報施主恩亦能親近一切智智是故善現若菩薩摩訶薩欲不虛受國王大臣長者居士有情信施欲示有情真善道路欲爲有情作淨光明欲脫有情三界牢獄欲施有情清淨法

眼應常安住甚深般若波羅蜜多相應作意善現若  
菩薩摩訶薩安住般若波羅蜜多相應作意諸有所  
說皆說般若波羅蜜多謂說般若波羅蜜多相應之  
法既說般若波羅蜜多相應法已復能如理思惟般  
若波羅蜜多相應之法善現是菩薩摩訶薩常住般  
若波羅蜜多相應作意諸餘作意於其中間無容現  
起善現是菩薩摩訶薩晝夜精勤安住般若波羅蜜  
多相應作意無時暫捨善現譬如有人先未曾有末  
尼珠寶後時遇得深自欣慶珍玩無厭歛爾亡遺生  
大苦惱常懷慨歎惜哉何日還得所失末尼寶珠彼  
人於此末尼寶珠相應作意無時暫捨善現當知諸  
菩薩摩訶薩亦復如是常應精勤安住般若波羅蜜  
多相應作意若離般若波羅蜜多相應作意則爲喪  
失一切智智相應作意

初分斷分別品第五十四之一

爾時具壽善現白佛言世尊一切作意皆自性離一  
切作意皆自性空諸法亦爾皆自性離皆自性空於  
自性離自性空中若菩薩摩訶薩若般若波羅蜜多  
若一切智智若諸作意皆不可得云何菩薩摩訶薩  
不離般若波羅蜜多相應作意亦復不離一切智智

相應作意佛言善現若菩薩摩訶薩知一切法及諸  
作意皆自性離皆自性空如是離空非聲聞作非獨  
覺作非諸菩薩摩訶薩作非諸佛作亦非餘作然一  
切法法住法定法性法界不虛妄性不變異性真如  
實際法爾常住是菩薩摩訶薩不離般若波羅蜜多  
相應作意亦復不離一切智智相應作意何以故善  
現甚深般若波羅蜜多一切智智及諸作意皆自性  
離自性空故如是離空無增無減能正通達名不離  
故時具壽善現復白佛言世尊若深般若波羅蜜多  
亦自性離自性本空云何菩薩摩訶薩修證般若波

羅蜜多平等性已證得無上正等菩提佛言善現諸  
菩薩摩訶薩修證般若波羅蜜多平等性時非諸佛  
法有增有減亦非一切法住法定法性法界不虛妄  
性不變異性真如實際有增有減何以故善現甚深  
般若波羅蜜多非一非二非三非四亦非多故善現  
若菩薩摩訶薩聞說如是甚深般若波羅蜜多其心  
不驚不怖不畏不沉不沒亦不猶豫當知是菩薩摩  
訶薩行深般若波羅蜜多已得究竟安住菩薩不退  
轉地具壽善現復白佛言世尊爲卽深般若波羅蜜  
多空虛非有不自在性不堅實性能行般若波羅蜜

多不世尊告言不也善現世尊爲離深般若波羅蜜  
多空虛非有不自在性不堅實性有法可得能行般  
若波羅蜜多不不也善現世尊爲即深般若波羅蜜  
多能行般若波羅蜜多不不也善現世尊爲離深般  
若波羅蜜多能行般若波羅蜜多不不也善現世尊  
爲即空性能行空不不也善現世尊爲離空性能行  
空不不也善現世尊爲即色能行般若波羅蜜多不  
不也善現世尊爲離色能行般若波羅蜜多不不也  
善現世尊爲即受想行識能行般若波羅蜜多不不  
也善現世尊爲離受想行識能行般若波羅蜜多不

不也善現世尊爲即眼處能行般若波羅蜜多不不  
也善現世尊爲離眼處能行般若波羅蜜多不不也  
善現世尊爲即耳鼻舌身意處能行般若波羅蜜多  
不不也善現世尊爲離耳鼻舌身意處能行般若波  
羅蜜多不不也善現世尊爲即色處能行般若波羅  
蜜多不不也善現世尊爲離色處能行般若波羅蜜  
多不不也善現世尊爲即聲香味觸法處能行般若  
波羅蜜多不不也善現世尊爲離聲香味觸法處能  
行般若波羅蜜多不不也善現世尊爲即眼界能行  
般若波羅蜜多不不也善現世尊爲離眼界能行般

若波羅蜜多不不也善現世尊爲卽耳鼻舌身意界  
能行般若波羅蜜多不不也善現世尊爲離耳鼻舌  
身意界能行般若波羅蜜多不不也善現世尊爲卽  
色界能行般若波羅蜜多不不也善現世尊爲離色  
界能行般若波羅蜜多不不也善現世尊爲卽聲香  
味觸法界能行般若波羅蜜多不不也善現世尊爲  
離聲香味觸法界能行般若波羅蜜多不不也善現  
世尊爲卽眼識界能行般若波羅蜜多不不也善現  
世尊爲離眼識界能行般若波羅蜜多不不也善現  
世尊爲卽耳鼻舌身意識界能行般若波羅蜜多不

不也善現世尊爲離耳鼻舌身意識界能行般若波  
羅蜜多不不也善現世尊爲卽眼觸能行般若波羅  
蜜多不不也善現世尊爲離眼觸能行般若波羅蜜  
多不不也善現世尊爲卽耳鼻舌身意觸能行般若  
波羅蜜多不不也善現世尊爲離耳鼻舌身意觸能  
行般若波羅蜜多不不也善現世尊爲卽眼觸爲緣  
所生諸受能行般若波羅蜜多不不也善現世尊爲  
善眼觸爲緣所生諸受能行般若波羅蜜多不不也  
善現世尊爲卽耳鼻舌身意觸爲緣所生諸受能行  
般若波羅蜜多不不也善現世尊爲離耳鼻舌身意

觸爲緣所生諸受能行般若波羅蜜多不也善現  
世尊爲卽地界能行般若波羅蜜多不也善現世  
尊爲離地界能行般若波羅蜜多不也善現世尊  
爲卽水火風空識界能行般若波羅蜜多不也善  
現世尊爲離水火風空識界能行般若波羅蜜多不  
不也善現世尊爲卽無明能行般若波羅蜜多不  
也善現世尊爲離無明能行般若波羅蜜多不不也  
善現世尊爲卽行識名色六處觸受愛取有生老死  
能行般若波羅蜜多不不也善現世尊爲離行識名  
色六處觸受愛取有生老死能行般若波羅蜜多不

不也善現世尊爲卽布施波羅蜜多能行般若波羅  
蜜多不不也善現世尊爲離布施波羅蜜多能行般  
若波羅蜜多不不也善現世尊爲卽淨戒安忍精進  
靜慮波羅蜜多能行般若波羅蜜多不不也善現世  
尊爲離淨戒安忍精進靜慮波羅蜜多能行般若波  
羅蜜多不不也善現世尊爲卽內空能行般若波羅  
蜜多不不也善現世尊爲離內空能行般若波羅蜜  
多不不也善現世尊爲卽外空內外空空大空勝  
義空有爲空無爲空畢竟空無際空散空無變異空  
本性空自相空共相空一切法空不可得空無性空

自性空無性自性空能行般若波羅蜜多不不也善現世尊爲離外空內外空空空大空勝義空有爲空無爲空畢竟空無際空散空無變異空本性空自相空共相空一切法空不可得空無性空自性空無性自性空能行般若波羅蜜多不不也善現世尊爲卽眞如能行般若波羅蜜多不不也善現世尊爲離眞如能行般若波羅蜜多不不也善現世尊爲卽法界法性不虛妄性不變異性平等性離生性法定法住實際虛空界不思議界能行般若波羅蜜多不不也善現世尊爲卽苦聖諦能行般若波羅蜜多不不也善現世尊爲離苦聖諦能行般若波羅蜜多不不也善現世尊爲卽集滅道聖諦能行般若波羅蜜多不不也善現世尊爲離集滅道聖諦能行般若波羅蜜多不不也善現世尊爲卽四靜慮能行般若波羅蜜多不不也善現世尊爲離四靜慮能行般若波羅蜜多不不也善現世尊爲卽四無量四無色定能行般若波羅蜜多不不也善現世尊爲離四無量四無色定能行般若波羅蜜多不不也

性離生性法定法住實際虛空界不思議界能行般若波羅蜜多不不也善現世尊爲卽苦聖諦能行般若波羅蜜多不不也善現世尊爲離苦聖諦能行般若波羅蜜多不不也善現世尊爲卽集滅道聖諦能行般若波羅蜜多不不也善現世尊爲離集滅道聖諦能行般若波羅蜜多不不也善現世尊爲卽四靜慮能行般若波羅蜜多不不也善現世尊爲離四靜慮能行般若波羅蜜多不不也善現世尊爲卽四無量四無色定能行般若波羅蜜多不不也善現世尊爲離四無量四無色定能行般若波羅蜜多不不也

善現世尊爲卽八解脫能行般若波羅蜜多不不也  
善現世尊爲離八解脫能行般若波羅蜜多不不也  
善現世尊爲卽八勝處九次第定十徧處能行般若  
波羅蜜多不不也善現世尊爲離八勝處九次第定  
十徧處能行般若波羅蜜多不不也善現世尊爲卽  
四念住能行般若波羅蜜多不不也善現世尊爲離  
四念住能行般若波羅蜜多不不也善現世尊爲卽  
四正斷四神足五根五力七等覺支八聖道支能行  
般若波羅蜜多不不也善現世尊爲離四正斷四神  
足五根五力七等覺支八聖道支能行般若波羅蜜

多不不也善現世尊爲卽空解脫門能行般若波羅  
蜜多不不也善現世尊爲離空解脫門能行般若波  
羅蜜多不不也善現世尊爲卽無相無願解脫門能  
行般若波羅蜜多不不也善現世尊爲離無相無願  
解脫門能行般若波羅蜜多不不也善現世尊爲卽  
極喜地能行般若波羅蜜多不不也善現世尊爲離  
極喜地能行般若波羅蜜多不不也善現世尊爲卽  
離垢地發光地焰慧地極難勝地現前地遠行地不  
動地善慧地法雲地能行般若波羅蜜多不不也善  
現世尊爲離離垢地發光地焰慧地極難勝地現前

地遠行地不動地善慧地法雲地能行般若波羅蜜  
多不不也善現世尊爲卽五眼能行般若波羅蜜多  
不不也善現世尊爲離五眼能行般若波羅蜜多不  
不也善現世尊爲卽六神通能行般若波羅蜜多不  
不也善現世尊爲離六神通能行般若波羅蜜多不  
不也善現世尊爲卽佛十力能行般若波羅蜜多不  
不也善現世尊爲離佛十力能行般若波羅蜜多不  
不也善現世尊爲卽四無所畏四無礙解大慈大悲  
大喜大捨十八佛不共法能行般若波羅蜜多不不  
也善現世尊爲離四無所畏四無礙解大慈大悲大

喜大捨十八佛不共法能行般若波羅蜜多不不也  
善現世尊爲卽無忘失法能行般若波羅蜜多不不  
也善現世尊爲離無忘失法能行般若波羅蜜多不  
不也善現世尊爲卽恒住捨性能行般若波羅蜜多  
不不也善現世尊爲離恒住捨性能行般若波羅蜜  
多不不也善現世尊爲卽一切智能行般若波羅蜜  
多不不也善現世尊爲離一切智能行般若波羅蜜  
多不不也善現世尊爲卽道相智一切相智能行般  
若波羅蜜多不不也善現世尊爲離道相智一切相  
智能行般若波羅蜜多不不也善現世尊爲卽一切

陀羅尼門能行般若波羅蜜多不也善現世尊爲  
離一切陀羅尼門能行般若波羅蜜多不也善現  
世尊爲卽一切三摩地門能行般若波羅蜜多不  
也善現世尊爲離一切三摩地門能行般若波羅  
蜜多不也善現世尊爲卽預流果能行般若波羅  
蜜多不也善現世尊爲離預流果能行般若波羅  
蜜多不也善現世尊爲卽一來不還阿羅漢果能  
行般若波羅蜜多不也善現世尊爲離一來不還  
阿羅漢果能行般若波羅蜜多不也善現世尊爲  
卽獨覺菩提能行般若波羅蜜多不也善現世尊爲

離獨覺菩提能行般若波羅蜜多不也善現世尊  
爲卽一切菩薩摩訶薩行能行般若波羅蜜多不  
也善現世尊爲離一切菩薩摩訶薩行能行般若  
波羅蜜多不也善現世尊爲卽諸佛無上正等菩  
提能行般若波羅蜜多不也善現世尊爲離諸佛  
無上正等菩提能行般若波羅蜜多不也善現世  
尊爲卽色空虛非有不自在性不堅實性能行般  
若波羅蜜多不也善現世尊爲離色空虛非有自  
在性不堅實性能行般若波羅蜜多不也善現世  
尊爲卽受想行識空虛非有不自在性不堅實性能行

般若波羅蜜多不也善現世尊爲離受想行識空  
虛非有不自在性不堅實性能行般若波羅蜜多不  
也善現世尊爲即眼處空虛非有不自在性不堅  
實性能行般若波羅蜜多不也善現世尊爲離眼  
處空虛非有不自在性不堅實性能行般若波羅蜜  
多不不也善現世尊爲即耳鼻舌身意處空虛非有  
不自在性不堅實性能行般若波羅蜜多不也善  
現世尊爲離耳鼻舌身意處空虛非有不自在性不  
堅實性能行般若波羅蜜多不也善現世尊爲即  
色處空虛非有不自在性不堅實性能行般若波羅

蜜多不不也善現世尊爲離色處空虛非有不自在  
性不堅實性能行般若波羅蜜多不也善現世尊  
爲即聲香味觸法處空虛非有不自在性不堅實性  
能行般若波羅蜜多不不也善現世尊爲離聲香味  
觸法處空虛非有不自在性不堅實性能行般若波  
羅蜜多不不也善現世尊爲即眼界空虛非有不自  
在性不堅實性能行般若波羅蜜多不不也善現世  
尊爲離眼界空虛非有不自在性不堅實性能行般  
若波羅蜜多不不也善現世尊爲即耳鼻舌身意界  
空虛非有不自在性不堅實性能行般若波羅蜜多

不不也善現世尊爲離耳鼻舌身意界空虛非有不自在性不堅實性能行般若波羅蜜多不不也善現世尊爲卽色界空虛非有不自在性不堅實性能行般若波羅蜜多不不也善現世尊爲卽聲香味觸法界空虛非有不自在性不堅實性能行般若波羅蜜多不不也善現世尊爲卽眼識界空虛非有不自在性不堅實性能行般若波羅蜜多不不也善現世尊爲離耳鼻舌身意識界空虛非有不自在性不堅實性能行般若波羅蜜多不不也善現世尊爲卽眼觸空虛非有不自在性不堅實性能行般若波羅蜜多不不也善現世尊爲卽耳鼻舌身意觸若波羅蜜多不不也善現世尊爲卽耳鼻舌身意觸空虛非有不自在性不堅實性能行般若波羅蜜多

不不也善現世尊爲離眼識界空虛非有不自在性不堅實性能行般若波羅蜜多不不也善現世尊爲卽耳鼻舌身意識界空虛非有不自在性不堅實性能行般若波羅蜜多不不也善現世尊爲卽眼觸空虛非有不自在性不堅實性能行般若波羅蜜多不不也善現世尊爲卽耳鼻舌身意觸若波羅蜜多不不也善現世尊爲卽耳鼻舌身意觸空虛非有不自在性不堅實性能行般若波羅蜜多

不不也善現世尊爲離耳鼻舌身意觸空虛非有不自在性不堅實性能行般若波羅蜜多不不也善現世尊爲即眼觸爲緣所生諸受空虛非有不自在性不堅實性能行般若波羅蜜多不不也善現世尊爲離眼觸爲緣所生諸受空虛非有不自在性不堅實性能行般若波羅蜜多不不也善現世尊爲即耳鼻舌身意觸爲緣所生諸受空虛非有不自在性不堅實性能行般若波羅蜜多不不也善現世尊爲即

地界空虛非有不自在性不堅實性能行般若波羅蜜多不不也善現世尊爲離地界空虛非有不自在性不堅實性能行般若波羅蜜多不不也善現世尊爲即水風空識界空虛非有不自在性不堅實性能行般若波羅蜜多不不也善現世尊爲離水火風空識界空虛非有不自在性不堅實性能行般若波羅蜜多不不也善現世尊爲即無明空虛非有不自在性不堅實性能行般若波羅蜜多不不也善現世尊爲離無明空虛非有不自在性不堅實性能行般若波羅蜜多不不也善現世尊爲即行識名色六處

觸受愛取有生老死空虛非有不自在性不堅實性能行般若波羅蜜多不不也善現世尊爲離行識名色六處觸受愛取有生老死空虛非有不自在性不堅實性能行般若波羅蜜多不不也善現世尊爲即布施波羅蜜多空虛非有不自在性不堅實性能行般若波羅蜜多不不也善現世尊爲離布施波羅蜜多空虛非有不自在性不堅實性能行般若波羅蜜多不不也善現世尊爲即淨戒安忍精進靜慮波羅蜜多不不也善現世尊爲離淨戒安忍精進靜慮波羅蜜多不不也善現世尊爲離淨戒安忍精進靜慮波

羅蜜多空虛非有不自在性不堅實性能行般若波羅蜜多不不也善現世尊爲即內空空虛非有不自在性不堅實性能行般若波羅蜜多不不也善現世尊爲離內空空虛非有不自在性不堅實性能行般若波羅蜜多不不也善現世尊爲離內外空空虛勝義空有爲空無爲空畢竟空無際空散空無變異空本性空自相空共相空一切法空不可得空無性空自性空無性自性空空虛非有不自在性不堅實性能行般若波羅蜜多不不也善現世尊爲離外空內外空空虛勝義空有爲空無爲空畢竟

竟空無際空散空無變異空本性空自相空共相空  
一切法空不可得空無性空自性空無性自性空空  
虛非有不自在性不堅實性能行般若波羅蜜多不  
不也善現世尊爲卽真如空虛非有不自在性不堅  
實性能行般若波羅蜜多不不也善現世尊爲離真  
如空虛非有不自在性不堅實性能行般若波羅蜜  
多不不也善現世尊爲卽法界法性不虛妄性不變  
異性平等性離生性法定法住實際虛空界不思議  
界空虛非有不自在性不堅實性能行般若波羅蜜  
多不不也善現世尊爲離法界法性不虛妄性不變

異性平等性離生性法定法住實際虛空界不思議  
界空虛非有不自在性不堅實性能行般若波羅蜜  
多不不也善現世尊爲卽苦聖諦空虛非有不自在  
性不堅實性能行般若波羅蜜多不不也善現世尊  
爲離苦聖諦空虛非有不自在性不堅實性能行般  
若波羅蜜多不不也善現世尊爲卽集滅道聖諦空  
虛非有不自在性不堅實性能行般若波羅蜜多不  
不也善現世尊爲離集滅道聖諦空虛非有不自在  
性不堅實性能行般若波羅蜜多不不也善現世尊  
爲卽四靜慮空虛非有不自在性不堅實性能行般

若波羅蜜多不不也善現世尊爲離四靜慮空虛非  
有不自在性不堅實性能行般若波羅蜜多不不也  
善現世尊爲卽四無量四無色定空虛非有不自在  
性不堅實性能行般若波羅蜜多不不也善現世尊  
爲離四無量四無色定空虛非有不自在性不堅實  
性能行般若波羅蜜多不不也善現世尊爲卽八解  
脫空虛非有不自在性不堅實性能行般若波羅蜜  
多不不也善現世尊爲離八解脫空虛非有不自在  
性不堅實性能行般若波羅蜜多不不也善現世尊  
爲卽八勝處九次第定十遍處空虛非有不自在性

不堅實性能行般若波羅蜜多不不也善現世尊爲  
離八勝處九次第定十遍處空虛非有不自在性不  
堅實性能行般若波羅蜜多不不也善現世尊爲卽  
四念住空虛非有不自在性不堅實性能行般若波  
羅蜜多不不也善現世尊爲離四念住空虛非有不  
自在性不堅實性能行般若波羅蜜多不不也善現  
世尊爲卽四正斷四神足五根五力七等覺支八聖  
道支空虛非有不自在性不堅實性能行般若波羅  
蜜多不不也善現世尊爲離四正斷四神足五根五  
力七等覺支八聖道支空虛非有不自在性不堅實

卷之三十五  
五

經  
大般若經卷之三十五  
七  
五

性能行般若波羅蜜多不也善現世尊爲卽空解脫門空虛非有不自在性不堅實性能行般若波羅蜜多不也善現世尊爲離空解脫門空虛非有不自在性不堅實性能行般若波羅蜜多不也善現世尊爲卽無相無願解脫門空虛非有不自在性不堅實性能行般若波羅蜜多不也善現世尊爲離無相無願解脫門空虛非有不自在性不堅實性能行般若波羅蜜多不也善現世尊爲卽極喜地空虛非有不自在性不堅實性能行般若波羅蜜多不也善現世尊爲卽離垢地發光地焰慧地極難勝地現前地遠行地不動地善慧地法雲地空虛非有不自在性不堅實性能行般若波羅蜜多不也善現世尊爲離離垢地發光地焰慧地極難勝地現前地遠行地不動地善慧地法雲地空虛非有不自在性不堅實性能行般若波羅蜜多不也善現

大般若波羅蜜多經卷第三百三十五

音釋

珍玩 玩五頓切珍玩謂珍重玩好也 欬爾 欬許勿切欬爾猶卒然也 慨歎 慨丘蓋切

一經  
刀解務經卷三第三十五  
二  
册五

慨歎長  
太息也

大文古交爾遠矣選卷第三百三十五



休寧居士劉懋賢同弟懋貞懋賞仰承  
先嚴劉新志府君法施遺願施貲刻  
大般若經第三百三十五卷  
京口釋海亮對長洲徐普書上元陶邦本刻  
萬曆壬子歲春二月徑山寂照庵識

唯此善悲願志雲散空留悲音不自去對不空寶  
猶永此善大哉懋志願懋職懋與前此數行故  
空寶對前不空寶懋志願懋職懋與前此數行故

三十九